

欽定授時通考

欽定授時通考

御製授時通考序

孟子言不違農時穀不可
勝食蓋民之大事在農農
之所重惟時敬授人時載
於堯典周公七月一篇於
日星霜露之候昆蟲草木

之化詳哉其言之故先王之民莫不震動恪恭於農以修其事者懼失時也我聖祖仁皇帝勤咨民隱首重農桑率育蒸黎涵濡德澤六十餘載戶慶盈寧

皇考世宗憲皇帝歲舉耕藉之
儀率先天下興水利廣儲
蓄為萬世規凡茲薄海蒼
生得荷鋤耒餉優游隴畝
之間樂生遂性衣食滋豐
者何莫非我

祖宗宵旰勤勞以貽樂利於無
疆耶朕纘承基緒鑒前代
生深宮之中長阿保之手
誠知稼穡艱難日與中外
臣工為斯民籌食用至計
胼胝機杼之作苦日廛於

懷曰檢前人農桑通訣農
政全書諸編嘉其用意勤
而於民事切也命內廷詞
臣廣加蒐輯舉物候早晚
之宜南北土壤之異耕耘
之節儲侍之方蠶織畜牧

之利自經史子集以及農
家者流凡言之關於農者
彙萃成編命之曰授時通
考夫天道廣運於上而四
時行萬彙生地道發育於
下而庶品蕃百昌遂人事

參贊其中而六府修三農
殖輔相裁成固國家之大
政也趨事赴功亦閭閻之
本業也貴穀劬農服田力
穡上下交勉弗懈於時以
副朕阜成海宇之至願覽

斯編者尚有取焉

乾隆七年歲在壬戌春正月
下澣八日御筆

乾隆六年十一月二十九日奉

旨開列經理諸臣銜名

監理

和

碩

和

親

王臣

弘

晝

總裁

經筵講官太保議政大臣保和殿大學士總理兵部事務世襲三品伯加十五級臣

鄂爾泰

經筵講官起居注太保和殿學士兼管吏部尚書翰林院學士世襲三品伯加十五級臣

張廷玉

南書房纂修

吏部左侍郎世襲一等輕車都尉臣

蔣溥

經筵講官戶部左侍郎臣

梁詩正

兵部左侍郎臣

汪由敦

都察院左僉都御史臣彭啓豐

日講官起居注翰林院侍讀學士世襲三等伯臣張若靄

日講官起居注翰林院侍讀臣介福

左春坊左諭臣德穉璜

日講官起居注翰林院修撰臣金德瑛

翰林院編修臣秦蕙田

日講官起居注翰林院修撰臣莊有恭

武英殿纂修

經筵講官刑部左侍郎臣張照

工部左侍郎臣許希孔

原任刑部右侍郎臣勵宗萬

原任 日講官起居注詹事府錄事兼翰林院侍讀學士 臣 陳 浩

日講官起居注詹事府少詹事兼翰林院侍講學士 臣 呂 熾

日講官起居注右春坊右中允兼翰林院編修 臣 朱良裘

翰 林 院 編 修 臣 董 達

翰 林 院 編 修 臣 夏廷芝

翰 林 院 編 修 臣 張映斗

翰 林 院 編 修 臣 陸嘉穎

翰 林 院 檢 討 臣 唐進賢

翰 林 院 檢 討 臣 吳 泰

翰 林 院 檢 討 臣 萬松齡

翰 林 院 編 修 臣 吳 紱

翰林院編修臣馮祁

監祭御史臣沈廷

校對

翰林院編修臣田志勤

翰林院檢討臣郭肇鑽

候補主事武英殿行走今補山西隰州直隸州知州臣王祖庚

拔貢生臣費應泰

舉人臣盧明楷

拔貢生臣徐顯烈

拔貢生臣龔世楫

優貢生臣王男

拔

貢

生臣王積光

恩

貢

生臣曾尚渭

拔

貢

生臣李長發

拔

貢

生臣鄧獻章

舉

人臣方廷棟

監造

內務府南苑郎中兼佐領加五級紀錄十次臣雅爾岱

內務府錢糧衙門郎中兼佐領加五級紀錄十二次臣永保

內務府錢糧衙門主事臣永忠

內務府廣儲司司庫加二級臣三格

監造加一級臣李保

監

造臣鄭桑格

庫

掌臣李延偉

庫

掌臣虎什泰

乾隆二年五月十四日

諭總理事務王大臣農桑爲致治之本我

皇祖聖祖仁皇帝嘗繪耕織圖以示勸農德意

皇考世宗憲皇帝屢下勸農之詔親耕耜田率先天下所以敦本計而卽田功意至厚也朕思爲耒耜教樹藝皆始於上古聖人其播種之方耕耨之節與夫備旱驅蝗之術散見經籍至詳且備後世農家者流其說亦各有可取所當會萃成書頒布中外庶三農九穀各得其宜望杏瞻蒲無失其候著南書房翰林同武英殿翰林編纂進呈欽此

江西巡撫臣陳弘謀謹

奏為刊布

欽定書籍以廣

聖化事臣蒙

聖恩頒賜

欽定授時通考全部臣已循例具疏恭謝

天恩臣竊惟國以民為本民以食為天古聖王皆以此

為急務我

皇上紹百王之道法承

列聖之心傳

宵旰勤求惟在民生食用伏見

欽定授時通考一書凡天時地利之宜東作西成之事
與夫倉儲積貯蠶桑牧植之方無不原本經史參
酌古今而我

朝詔令煌煌輔相裁成重農務本尤爲超軼前古誠致
太平之寶冊多流傳一部即多收一部之益也外
省督撫諸臣已蒙

恩賜臣愚以為自司道以及府廳州縣均宜恭捧一冊
以資考求而板貯

內府刷印難於廣及臣商之司道擬爲重刊廣布俾通
省大小各官皆知以勸課農桑爲要務下至上庶
得見此書不但趨事赴功有所法則且羣仰

九重之上

萬幾之餘猶為講求穡事備極精詳必能相勉於孝弟力田共安於食時用禮官有資於治理民以厚其風俗庶足仰副

皇上敦本厚生之至意緣係奉

旨恩賜之書所有重刊情由擬合陳奏仰懇

皇上賞賜一部俾得上板重刊即以臣前蒙

恩賜之書敬謹校對刊畢仍得什襲珍藏留為世寶臣

不勝踴躍待

命之至伏乞

皇上睿鑒施行臣謹

奏

乾隆七年十月十九日奏二十日奉

硃批知道了欽此

欽定授時通考

凡例

一敬授人時。農事之本。故是編冠以天時。土會土宜。辦其名物。物土次焉。誕降嘉種。百穀用成。穀種次焉。力穡有秋。良耜旻屰。功作次焉。簡器修政。保介是咨。勸課次焉。餘三餘九。家有蓋藏。蓄聚次焉。場圃無棄地。林麓無棄材。農之餘也。故列爲農餘。蠶織之事。授衣所先。故次以蠶桑。棉葛之利。近世尤蕃。故附諸桑餘。凡以備法制。品節之詳。俾知所盡心云。

一是編以致用爲主。凡採摭經史。俱取其切於實

用。及各物根据所自。詩文藻麗之詞。槩置弗錄。惟歷代詔令章奏。有關農事者。詳悉採入。至我朝重農務本。超越千古。凡布諸

綸綍者。無不曲盡民情。周知稼穡。

聖祖仁皇帝御製耕織圖詩。咏農人胼胝之勞。織女機絲之瘁。周詳往復。田家作苦。瞭然在目。

世宗憲皇帝敬和於前。我

皇上敬和於後。敦崇本業。不啻幽風無逸諸篇矣。敬謹

編輯爲

本朝重農五卷。固非尋常詩文可擬也。

一百穀九穀五穀。註家詮解不一。且南北異宜。卽

老農亦未能悉辨。今取其廣種而利溥者。羅列於前。而附以直省土產。至瑞穀嘉禾瑞麥。雖靈異攸鍾。迥異凡品。然亦如人類之有聖賢。鱗羽之有麟鳳。其莖苗秀實。固非別爲一種也。故以冠於穀種之首。

一物土之宜。水利爲重。然惟陂池渠岸溝洫畝澮之用。切近農功者。始爲採輯。至河道海塘。雖關係民生大利。而非農家所能講求。不具錄焉。

一民間儲蓄。歷代以常平社倉爲要。其歛散糴糶。與閭閻休戚相關。司牧者所當留意。農書所載甚畧。今益加增輯。至農政全書中有救荒振卹

諸條。今已刊行康濟錄一書。救饑條件畧具。是編不復採入。蓋徐書以農政爲名。自不得獨遺賑贍。是編以授時爲重。惟取家裕蓋藏。固各有義例也。又農政全書載明周憲王救荒本草。多至四百餘種。固仁者之用心。然使政事克修。自可無憂捐瘠。若令糠覈不飽。延喘須臾。何暇按圖考傳。今日性味若何。烹芼若何。是鳴和鸞於救焚拯溺之時。而論殺馘於羅雀掘鼠之日也。亦從刪省。

一農餘以蔬茹果蓏爲主。而材木之用。漆蠟之饒。牧字之蕃息。生計咸所取資。弗可遺也。惟飲食

製造之方。雖備載於齊民要術諸書。然古今異宜。南北異嗜。且邊豆之司。非所重也。亦槩弗錄。一桑餘之利。木棉最廣。麻葛蕉桐次之。若裘褐氈罽之屬。既非草野所需。並非紅女所辦。更不採入。

一 分門編纂。凡所採經書諸說。有不能不互見數見之處。惟於節錄原文中。各從本門所重。以免複出。其必不可節者。乃並載焉。至如畜牧種植。皆農餘也。而耕牛之飼養。歸於功作。桑柘之栽培。詳於蠶事。亦各舉其重言之。

欽定授時通考

目錄

卷一

天時門

總論上

卷二

天時門

總論下

卷三

天時門

春

卷四

天時門

夏

卷五

天時門

秋

卷六

天時門

冬

卷七

土宜門

彙考

卷八

土宜門

方輿圖說

卷九

土宜門

辨方

卷十

土宜門

物土

卷十一

田制上

土宜門

卷十二

田制下

土宜門

卷十三

田制圖說上

土宜門

卷十四

田制圖說下

土宜門

卷十五

水利一

土宜門

卷十六

土宜門

水利二

卷十七

土宜門

水利三

卷十八

土宜門

水利四

卷十九

穀種門

彙考

嘉禾瑞穀瑞麥

卷二十

穀種門

御稻米

稻一

卷二十一

穀種門

稻二

卷二十二

穀種門

稻三

卷二十三

穀種門

粱 稷

卷二十四

穀種門

黍

卷二十五

穀種門

粟

卷二十六

穀種門

麥

卷二十七

穀種門

豆一

卷二十八

穀種門

豆二

卷二十九

穀種門

豆三

卷三十

穀種門

麻

卷三十一

功作門

彙考

卷三十二

功作明

墾耕

卷三十三

耜勞

功作門

卷三十四

播種

功作門

卷三十五

淤蔭

功作門

卷三十六

耘耔

功作門

卷三十七

灌溉

功作門

卷三十八

功作門

泰西水法

卷三十九

功作門

收穫

卷四十

功作門

攻治

卷四十一

功作門

牧事

附

卷四十二

勸課門

彙考

卷四十三

勸課門

詔令

卷四十四

勸課門

章奏

卷四十五

勸課門

官司

卷四十六

勸課門

祈報

卷四十七

勸課門

敕諭一

卷四十八

勸課門

敕諭二

卷四十九

勸課門

祈穀

耕藉

卷五十

勸課門

御製詩文

卷五十一

勸課門

御製詩文

卷五十二

勸課門

耕織圖上

卷五十三

勸課門

耕織圖下

卷五十四

蓄聚門

彙考

卷五十五

蓄聚門

常平倉

卷五十六

蓄聚門

社倉

義倉

卷五十七

蓄聚門

圖式

卷五十八

農餘門

彙考

卷五十九

農餘門

蔬一

卷六十

農餘門

蔬二

卷六十一

農餘門

蔬三

卷六十二

農餘門

蔬四

卷六十三

農餘門

果一

卷六十四

農餘門

果二

卷六十五

農餘門

果三

卷六十六

農餘門

果四

卷六十七

農餘門

木一

卷六十八

農餘門

木二

卷六十九

農餘門

雜植

卷七十

農餘門

畜牧一

卷七十一

農餘門

畜牧二

卷七十二

蠶桑門

彙考

制居

浴種

卷七十三

蠶桑門

飼養

卷七十四

蠶桑門

分箔

入簇

擇繭

卷七十五

蠶桑門

繰絲

織染

卷七十六

蠶桑門

桑政

卷七十七

蠶桑門

桑餘

卷七十八

蠶桑門

桑餘

欽定授時通考卷一

大時

總論上

書堯典敬授人時。

集傳人時。謂耕獲之候。民事早晚之所關。

舜典咨十有二牧。曰。食哉惟時。

傳所重在於民食。惟當敬授民時。疏立君所以牧民。民生在於粒食。是君之所重。論語云。所重民食。謂年穀也。種殖收斂。及時乃獲。故惟當敬授民時。

洪範八庶徵。曰雨。曰暘。曰燠。曰寒。曰風。曰時。五者來備。各以其敘。庶草蕃廡。

傳雨以潤物。暘以乾物。煖以長物。寒以成物。風以動物。五者備至。各以次序。則衆草蕃滋。廡豐茂也。舉草茂盛。則穀成必矣。

又歲月日時無易。百穀用成。

傳各順常。則百穀成。

左傳凡分至啓閉。必書雲物。爲備故也。

註分。春秋分也。至。冬夏至也。啓。立春立夏。閉。立秋立冬。汲古叢語。分至啓閉。順四時而成八節也。以其得陰陽之中。謂之分。以其當寒暑之極。謂之至。以其生長謂之啓。以其收藏謂之閉。然則四孟啓閉者。陰陽闔闢之功。二至二分者。陰陽老少之變也。

又九扈爲九農正。扈民無滯者也。

疏春扈鴈鷗。相五土之宜。趣民耕種者也。夏扈竊元。趣民耘苗者也。秋扈竊藍。趣民收斂者也。冬扈竊黃。趣民蓋藏者也。棘扈竊丹。爲果驅鳥者也。行扈啣啣。晝爲民驅鳥者也。宵扈噴噴。夜爲農驅獸者也。桑扈竊脂。爲蚕驅雀者也。老扈鷓鷃。趣民收麥。令不得晏起者也。扈止也。止民使不滯放。

論語行夏之時。

集註夏以寅爲人正。商以丑爲地正。周以子爲天正。然時以作事。則歲月自當以人爲紀。故孔子嘗曰。吾得夏時焉。而說者以爲夏小正之屬。

孟子不違農時。穀不可勝食也。

註使民得務農。不違奪其時。則五穀饒足。不可勝食也。

爾雅春爲青陽。夏爲朱明。秋爲白藏。冬爲元英。四時和謂之玉燭。春爲發生。夏爲長嬴。秋爲收成。冬爲安寧。四時和爲通正。謂之景風。甘雨時降。萬物以嘉。謂之醴泉。

疏此釋太平之時。四氣和暢。以致嘉祥之事也。青陽言春之氣和。則青而溫陽也。朱明言夏之氣和。則赤而光明也。白藏言秋之氣和。則白而收藏也。元英言冬之氣和。則黑而清英也。玉燭言四時和氣。溫潤明照。故曰玉燭。李巡曰。人君德美如玉而明若燭。聘義

云。君子比德於玉焉。是知人君若德輝動於內。則和氣應于外。統而言之。謂之玉燭也。春爲發生。夏爲長。秋爲收成。冬爲安寧。此亦四時之別號也。四時和爲通正者。言上四時之功和。是爲通暢平正也。謂之景風。言所以致景風。景風卽祥風也。甘雨時降。萬物以嘉者。嘉善也。甘雨卽時雨也。不爲萬物所苦。故曰甘。甘雨旣以時降。則萬物莫不嘉善之也。謂之醴泉者。言四時平暢。卽所以使地出醴泉也。

管子。歲有四秋。而分有四時。故曰。農事且作。請以什伍。農。大賦。耜鐵。此之謂春之秋。大夏且至。絲纊之所作。此之謂夏之秋。而大秋成五穀之所會。此之謂秋之秋。大

冬營室中。女事紡績緝縷之所作也。此之謂冬之秋。

又陰陽者。天地之大理也。四時者。陰陽之大經也。東方曰星。其時曰春。其氣曰風。風生木與骨。宗正陽。治隄防。耕芸樹藝。正津梁。修溝瀆。甃屋行水。柔風甘雨。乃至。百姓乃壽。百蟲乃蕃。此謂星德。南方曰日。其時曰夏。其氣曰陽。陽生火與氣。九暑乃至。時雨乃降。五穀百果乃登。此謂日德。中央曰土。土德實。輔四時入出。以風雨節土益力。土生皮膚膚。其德和平用均。此謂歲德。西方曰辰。其時曰秋。其氣曰陰。陰生金與甲。其德靜正嚴順。百物乃收。此謂辰德。北方曰月。其時曰冬。其氣曰寒。寒生水與血。大寒乃至。五穀乃熟。此謂月德。是故聖王務時而

寄政焉。

又春三月。天地乾燥。水糾列之時也。山川涸落。天氣下。地氣上。萬物交通。故事已。新事未起。草木黃生。可食。寒暑調。日夜分。分之後。夜日益短。晝日益長。利以作土功之事。土乃益剛。當夏三月。天地氣壯。大暑至。萬物榮華。利以疾。蕪殺草蕨。使令不欲擾。當秋三月。山川百泉踊。降雨下。山水出。海路距。雨露屬天。地溱洑。利以疾作。收歛無留。一日把。百日舖。民毋男女。皆行於野。不利作土功之事。當冬三月。天地閉藏。暑雨止。大寒起。萬物實熟。利以填塞空郤。繕邊城。塗郭術。實倉。凡一年之事畢矣。

呂氏春秋黃帝曰。四時之不可正。正五穀而已耳。凡稼早者先時。暮者不及時。寒暑不節。稼乃生災。冬至以後。五旬有七日而昌生。於是乎始耕事。農之道。見生而藝。生。見死而獲死。迨時而作。遇時而止。老弱之力。可使盡起。不知時者。未至而逆之。既往而慕之。當其時而薄之。此從事之下也。

又春之德。風。風不信。其華不盛。華不盛。則果實不生。夏之德。暑。暑不信。則土不肥。土不肥。則長遂不精。秋之德。雨。雨不信。其穀不堅。穀不堅。則五種不成。冬之德。寒。寒不信。其地不剛。地不剛。則凍閉不開。天地之大。四時之化。而猶不能以不信成物。又况乎人事。

又得時之禾。長稠而穗。大本而莖殺。蔬穢而穗大。其粟圓而薄糠。其米多沃而食之彊。如此者不風。先時者莖葉帶芒以短衡。穗矩而芳。奪秬米而不香。後時者莖葉帶芒而末衡。穗闕而青零。多粃而不滿。得時之黍。芒莖而微下。穗芒以長。搏米而薄糠。舂之易而食之不噉而香。如此者不飮。先時者大本而華。莖殺而不遂。葉藁短穗。後時者小莖而麻長。短穗而厚糠。小米鉗而不香。得時之稻。大本而莖葆長。稠疏穢穗如馬尾。大粒無芒。搏米而薄糠。舂之易而食之香。如此者不益。先時者大本而莖葉格對。短稠短穗。多粃厚糠。薄米多芒。後時者纖莖而不滋。厚糠多粃。庾辟米不得恃定熟。印天而死。得

時之麻必芒以長疎節而色陽小本而莖堅厚臬以均後熟多榮日夜分復生如此者不蝗得時之菽長而短足其美二七以爲族多枝數節競葉蕃食大菽則圓小菽則搏以芳稱之重食之息以香如此者不蟲先時者必長以蔓浮葉疏節小莢不實後時者短莖疏節本虛不實得時之麥桐長而莖黑稱之重食之致香以息使人肌澤且有力如此者不蚰蛆先時者暑雨未至朋動蚰蛆而多疾其次羊以節後時者弱苗而穗蒼狼薄色而美芒是故得時之稼興失時之稼約莖相若稱之得時者重粟之多量粟相若而舂之得時者多米量米相若而食之得時者忍饑是故得時之稼其臭香其味甘

其氣章。百日食之。耳目聰明。心意叡智。四衛變疆。迺氣不入。身無苛殃。黃帝曰。四時之不正也。正五穀而已矣。

淮南子

攝提格之歲。歲早水晚旱。稻疾。蚕不登。菽麥昌。

民食四升。單闕之歲。歲和。稻菽麥。蚕昌。民食五升。執除之歲。歲早早晚水。小饑。蚕閉麥熟。民食三升。大荒落之歲。蚕小登。麥昌。菽疾。民食二升。敦牂之歲。歲大旱。蚕登。稻疾。菽麥昌。禾不爲。民食二升。協洽之歲。蚕登。稻昌。菽麥不爲。民食三升。涒灘之歲。歲和。小雨行。蚕登。菽麥昌。民食三升。作鄂之歲。蚕不登。菽麥不爲。禾蟲。民食五升。閹茂之歲。歲小饑。蚕不登。麥不爲。菽昌。民食七升。大淵獻之歲。大饑。蚕開。菽麥不爲。禾蟲。民食三升。困敦之歲。

歲大霧起。大水出。蚕稻麥昌。民食三升。赤奮若之歲。早水。蚕不出。稻疾。菽不爲。麥昌。民食一升。

又仲春始出。仲秋始內。昏張中則務種穀。大火中則種黍菽。虛中則種宿麥。昴中則收歛蓄積。

晉書藝文志。炎帝分八節以始農功。


汜勝之書。耕之本。在於趣時。和土務糞澤。早鋤耨。春凍解。地氣始通。土一和解。夏至。天氣始暑。陰氣始盛。土復解。夏至後九十日。晝夜分。天地氣和。以此時耕田。一而當五。名曰膏澤。皆得時功。

陳旉農書。四時八節之行。氣候有盈縮。踰贏之度。九運六氣所主。陰陽消長。有太過不及之差。其道甚微。其效

甚著。蓋萬物因時受氣。因氣發生。其或氣至而時未至。或時至而氣未至。則造化發生之理。因之也。若仲冬而梅李實。季秋之月而昆蟲不蟄藏。類可見矣。陰陽一有愆忒。則四序亂而不能生成萬物。寒暑一失代謝。卽節候差而不能運轉一氣。傳曰。不先時而起。不後時而縮。故農事必知天地時宜。則生之。蓄之。長之。育之。成之。熟之。無不遂矣。由庚萬物得其道。崇邱萬物得極其高大。由儀萬物之生。各得其宜者。謂天地之間。物物皆順其理也。故堯命羲和曆象日月星辰。以欽授民時。俾咸知東作。南訛。西成。朔易之候。稽之天文。則星鳥。星火。星虛。星昴。於是乎審矣。驗之物理。則鳥獸孳尾。希革。毛毳。氄

毛亦以詳矣。而厥民析。因夷。隩。可得而稽倣之也。大則取象於天地。無乖升降之機。明則取法乎日星。不亂經營之度。定之以時。應之以數。此欽天勤民旨意。豈率然哉。其所以時和歲豐。良由此也。今人雷同以建寅之月朔爲始。春建巳之月朔爲首。夏殊不知陰陽有消長。氣候有盈縮。冒昧以作事。其克有成耶。設或有成。亦幸而已。聖王之蒞事物。皆設官分職以掌之。各置其官師以教導之。農師之職。其可已耶。春秋之時。法度並廢。宜凶荒荐至。乃書有年。書大有年。蓋幸而書之。抑見天道有常。而人自愆忒也。詩稱豐年穰穰。其崇如墉。其比如櫛。以言其得法度時宜。故豐登有常也。洪範九疇。彝倫攸

敘則百穀用成。夔倫攸斲則百穀用不成。然則順天地時利之宜。識陰陽消長之理。則百穀之成。斯可必矣。古先哲王所以頒朔明時者。匪直大一統也。將使斯民知謹時令。樂事赴功也。故農事以先知。備豫爲善。



天時 總論上


農桑通訣。舜在璿璣玉衡。以齊七政。說者以爲天文器。後世言天之家。如洛下閎。鮮于妄人輩。述其遺制。營之度之。而作渾天儀。曆家推步。無越此器。然而未有圖也。蓋二十八宿周天之度。十二辰日月之會。二十四氣之推移。七十二候之遷變。如環之循。如輪之轉。農桑之節。以此占之。四時各有其務。十二月各有其宜。先時而種。則失之太早而不生。後時而藝。則失之太晚而不成。故曰。雖有智者。不能冬種而春收。此圖之作。以交立春節爲正月。交立夏節爲四月。交立秋節爲七月。交立冬節爲十月。北斗旋於中。以爲準則。每歲立春。斗杓建於寅方。日月會於營室。東井昏見於牛。建星辰正於南。由此

以往積十日而爲旬。積三旬而爲月。積三月而爲時。積四時而成歲。一歲之中。月建相次。周而復始。氣候推遷。與日曆相爲體用。所以授民時而節農事。卽謂用天之道也。夫授時曆。每歲一新。時圖常行不易。非曆無以起圖。非圖無以行曆。表裏相參。轉運而無停。渾天之儀。粲然具在是矣。然按月農時。特取天地南北之中氣。立作標準。以示中道。非膠柱鼓瑟之謂。若夫遠近寒暖之漸殊。正開常變之或異。又當推測晷度。斟酌先後。庶幾人與天合。物乘氣至。則養之節不至差謬。此又圖之體用餘致也。不可不知。務農之家。當家置一本。攷曆推圖。以定種藝。如指諸掌。故亦名曰授時指掌活法之圖。

二十四氣七十二候之圖

五日為候 三候為氣





六氣爲時 四時爲歲

羣芳譜一歲共十二月二十四氣七十二候。大寒後十五日。斗柄指艮爲立春。正月節。立始建也。春氣始至而建立也。一候東風解凍。凍結於冬。遇春風而解也。二候蟄蟲始振。蟄藏也。振動也。感三陽之氣而動也。三候魚陟負冰。上遊而近水也。立春後十五日。斗柄指寅爲雨水。正月中。陽氣漸升。雲散爲水。如天雨也。一候獺祭魚。歲始而魚上。則獺取以祭。二候候雁北。陽氣達而北也。三候草木萌動。天地交泰。故草木萌生發動也。雨水後十五日。斗柄指甲爲驚蟄。二月節。蟄蟲震驚而出也。一候桃始華。二候倉庚鳴。倉庚黃鸝也。倉清也。庚新也。感春陽清新之氣而初出。故鳴。三候鷹化爲鳩。卽布穀也。

仲春之時。鷹喙尚柔。不能捕鳥。瞪目忍饑。如痴而化。化者。反歸舊形之謂。春化鳩。秋化鷹。如田鼠之于鴛也。若腐草雉爵。皆不言化。不復本形者也。驚蟄後十五日。斗柄指卯。爲春分。二月中。分者。半也。當春氣九十日之半也。一候。元鳥至。元鳥。燕也。春分來。秋分去。二候。雷乃發聲。四陽漸盛。陰陽相薄。爲雷。乃者。象氣出之難也。三候。始電。電。陽光也。四陽盛長。氣洩而光生也。凡聲屬陽。光亦屬陽。春分後十五日。斗柄指乙。爲清明。三月節。萬物至此。皆潔齊而明白也。一候。桐始華。桐有三種。華而不實。曰白桐。亦曰花桐。爾雅謂之榮桐。至是始華也。二候。田鼠化爲鴛。鴛。鶉也。鼠陰而鴛陽也。三候。虹始見。虹。日

與雨交。天地之滂氣也。清明後十五日。斗柄指辰爲穀雨。三月中。雨爲天地之和氣。穀得雨而生也。一候。萍始生。萍。陰物。靜以承陽也。二候。鳴鳩拂其羽。拂羽。飛而翼迫其聲也。三候。戴勝降於桑。蚕候也。穀雨後十五日。斗柄指巽爲立夏。四月節。夏大也。物至此皆假大也。一候。螻蟈鳴。螻蟈。名蝼鼠。一名穀。陰氣始。故螻蟈應之。二候。蚯蚓出。蚯蚓。陰類。出者。承陽而見也。三候。王瓜生。王瓜。土瓜也。立夏十五日。斗柄指巳爲小滿。四月中。物長至此。皆盈滿也。一候。苦菜秀。茶爲苦菜。感火氣而苦味成。不榮而實曰秀。榮而不實曰英。此苦菜宜言英。二候。靡草死。靡草。草之枝葉靡細者。葶藶之屬。凡物感陽生。

有強而立。感陰生者柔而靡。靡草則陰至所生也。故不勝陽而死。三候。麥秋至。麥以夏爲秋。感火氣而熟也。小滿後十五日。斗柄指丙爲芒種。五月節。言有芒之穀可播種也。一候。螳螂生。螳螂飲風食露。感一陰之氣而生。至此時破殼而出。二候。鵙始鳴。鵙百勞也。惡聲之鳥。梟類也。不能翱翔。直飛而已。三候。反舌無聲。諸書謂反舌爲百舌鳥。能反覆其舌。感陽而鳴。遇微陰而無聲也。芒種後十五日。斗柄指午爲夏至。五月中。萬物至此皆假大而極至也。一候。鹿角解。夏至一陰生。鹿感陰氣。故角解。二候。蜩始鳴。莊子謂螻蛄。夏蟬也。語曰。螻蛄鳴朝。三候。半夏生。半夏藥名。居夏之半而生也。夏至後十五日。

斗柄指丁爲小暑。六月節。暑氣至此尚未極也。一候。溫風至。溫熱之風。至小暑而極。故曰至。二候。蟋蟀居壁。感肅殺之氣。初生則在壁。感之深則在野。三候。鷹始擊。擊也。月令。鷹乃學習。殺氣未肅。鷲鳥始學擊搏。迎殺氣也。小暑後十五日。斗柄指未爲大暑。六月中。暑至此而盡洩。一候。腐草爲螢。離明之極。則幽陰至微之物。亦化而爲明。不言化者。不復原形也。二候。土潤溽暑。土氣潤。故鬱蒸爲溽濕。三候。大雨時行。前候濕暑。而後候則大雨時行以退暑也。大暑後十五日。斗柄指坤爲立秋。七月節。擘也。物至此而擘斂也。一候。涼風至。西方凄清之風也。溫變而肅也。二候。白露降。大雨之後。涼風來。天

氣下降。茫茫而白。尚未凝珠。故曰白露降。三候。寒蟬鳴。今初秋夕陽聲小而急疾者是也。立秋後十五日。斗柄指申爲處暑。七月中。陰氣漸長。暑將伏而潛處也。一候。鷹乃祭鳥。金氣肅殺。鷹感其氣。始捕擊。必先祭。二候。天地始肅。三候。禾乃登。禾者穀之連藁。稭之總名。成熟曰登。處暑後十五日。斗柄指庚爲白露。八月節。陰氣漸重。露凝而白也。一候。鴻雁來。淮南子作候。雁自北而南來也。二候。元鳥歸。元鳥。北方之鳥。故曰歸。三候。羣鳥養羞。養羞。謂藏美食以備冬月之養。白露後十五日。斗柄指酉爲秋分。八月中。至此而陰陽適中。當秋之半也。一候。雷始收聲。雷屬陽。八月陰中。故收聲入地。萬物隨以入。

也。二候。蟄蟲壞戶。壞益其蟄穴之戶。使通明處稍小。至寒甚。乃墜塞之也。三候。水始涸。水。春氣所爲。春夏氣至。故長。秋冬氣返。故涸也。秋分後十五日。斗柄指辛爲白露。九月節。氣漸肅。露寒而將凝也。一候。鴻鴈來賓。鴈後至者爲賓。二候。雀入大水爲蛤。嚴寒所至。蜚化爲潛也。三候。菊有黃華。菊獨華於陰。故曰有也。寒露後十五日。斗柄指戌爲霜降。九月中。氣愈肅。露凝爲霜也。一候。豺乃祭獸。以獸祭天報本也。方舖而祭。秋金之義。二候。草木黃落。色黃搖落也。三候。蟄蟲咸俯。皆垂頭畏寒不食也。霜降後十五日。斗柄指乾爲立冬。十月節。冬終也。物盡而皆收藏也。一候。水始冰。水而初凝。未至于堅。故曰

始冰。二候。地始凍。土氣凝寒。未至於坼。故曰始凍。三候。雉入大水爲蜃。大水。淮也。立冬後十五日。斗柄指亥爲小雪。十月中。氣寒而將雪矣。第寒未甚而雪未大也。一候。虹藏不見。陰陽氣交爲虹。陰氣極。故虹伏。言其氣下伏也。二候。天氣上升。三候。地氣下降。天地變而各正其位。不交則不通。故閉塞也。小雪後十五日。斗柄指壬爲大雪。十一月節。言積寒凜冽。雪至此而大也。一候。鶡鳴不鳴。陽鳥感六陰之極而不鳴。二候。虎始交。虎感微陽萌動。故氣益盛而交也。三候。荔挺生。大雪後十五日。斗柄指子爲冬至。十一月中。日南陰極而陽始生也。一候。蚯蚓結。六陰寒極之時。蚯蚓交結如繩。二候。麋角解。冬

至一陽生。麋感陽氣。故角解。三候。水泉動。水者一陽所生。一陽初生。故泉動也。冬至後十五日。斗柄指癸。爲小寒。十二月節。時近小春。故寒氣猶小。一候。鴈北鄉。鴈避熱而南。今則北飛。禽鳥得氣之先。故也。二候。鵲始巢。至後二陽。已得來年之氣。鵲遂爲巢。知所向也。三候。雉鳴。雉。陽鳥也。鳴。雌雄同鳴。感於陽而有聲也。小寒後十五日。斗柄指丑。爲大寒。十二月中。時已二陽。而寒威更甚者。閉塞不盛。則發洩不盛。所以啓三陽之泰。此造化之微權也。一候。雞乳。乳。育也。雞不畜。麗於陽而有形。故乳。二候。征鳥厲疾。至此而猛厲迅疾也。三候。水澤腹堅。冰徹上下皆凝。故曰腹堅。一元默運。萬彙化生。四序循環。

千古不易。極之而陽九百六。不過此氣之推遷耳。

吳下田家志一九二九。扇子不離手。三九二十七。冰水甜如蜜。四九三十六。拭汗如出浴。五九四十五。頭戴秋葉舞。六九五十四。乘涼入佛寺。七九六十三。床頭尋被單。八九七十二。思量蓋夾被。九九八十一。家家打炭擊。

又一九二九。相喚弗出手。三九二十七。籬頭吹篳篥。四九三十六。夜眠如露宿。五九四十五。太陽開門戶。六九五十四。貧兒爭意氣。七九六十三。布衲兩肩攤。八九七十二。猫狗尋陰地。九九八十一。犁耙一齊出。

今
上
卷

一

二

欽定授時通考卷二

天時

總論下

馬一龍農說農為治本知時為上時謂天時畜陽不極發生

乃微陽主發生陰主歛息物之生息隨氣升降故冬至之後一陽起于下則羣陰推而漸出寒凝固結于

上所以遇其洩耳及陽氣出地物生呈露流衍布濩而

不窮畜之盛大致然是以桃李冬花無冰不殺草春秋

紀之以病愆陽農家者有云冬耕宜早春耕宜遲云早

其在冬至之前云遲其在春分之後冬至上下也其意皆在

氣未生也春分後者陽氣半於土之上下也其意皆在

陽榮陰衛欲使微陽之氣不洩求其壯盛而已於此不

知所避一則初升而踣其踵一則方啓而裂其膚豈非

童而牝未壯盛而先亢者乎亢則害牝則亡傷氣殆盡

其生安得不微乎畜陽之意不止於冬凡日為陽雨為

陰和暢為陽互結為陰展伸為陽歛曲為陰動為陽靜

為陰淺為陽深為陰晝為陽夜為陰繁殖之道惟欲陽

含土中運而不息陰乘其外謹密不出若陽洩於外而

陰入其中。生機轉為殺機矣。凝陰在土。其氣固齋。歲久不畊之地。純

今夫圖地之上。未嘗生物。正以內不含陽。陰不外固。而

火燬之地。藏冰不融者。絕其地脈。而中無陽氣。來至也。

竊窺神化之妙。陽根陰物之所以生也。陰根陽物之所

以成也。生者謂之陽。自下起。發其內之一本。以出於外。

化。成者謂之變。諸陰皆死者。陰自下起。斂其外之散齊。以入於內。諸陽

皆生者。此蓋言二氣始終之定理也。諸陽謂自復以至

為臨。正月為泰。二月為大壯。復自坤中來。一陽始生。成

位於冬至。至泰而開。開而壯。壯而夬。四月復全乎乾矣。

諸陰謂自姤以至剝也。姤五月之卦也。剝九月之卦也。

六月為遯。七月為否。八月為觀。姤自乾中來。一陰始生。

成位於夏至。至否而寒。寒而觀。觀而剝。十月復全乎坤

矣。上下者。乾坤分列之位。升降者。陰陽往來之氣。內外

者。神化闔闢之妙。斂發者。萬物生成之機。出入者。循環

無窮之端。一本散殊。相禪以爲始終者也。大抵二氣陰

陽之至。當主日月爲義。春秋二分。晝夜相半。氣之平也。

春分後。晝漸永。日在地下之刻少。秋分後。夜漸永。日在

地下之刻多。陰陽消長。係於是矣。陽上而不抑。遂以精洗。陰下而不濟。

亦難以形堅。地有餘。補不足。則精不洗。而形可堅矣。天

古聖至言。易曰。亢龍有悔。又曰。下濟而光。以是見陽抑陰。

精洗。由於不抑。陰之形脆者。由於無所濟也。今有上農。

土地饒糞多。而力勤。其苗勃然。與之矣。其後徒有美穎。

而無實粟。俗名肥腸。此正不知抑損其過。而精洗者耳。

其法何以斷其浮根。翦其附葉。去田中積污。以燥裂其

膚。理則抑矣。及其總枯。俱成農功。已畢。或土力既衰。潤

滋不繼。滯濁未去。清氣有傷。此正不知。是故含生者。陽

補助。故粒米有空頭。枯榦粉黛諸病也。以陰化。達生者。陰

以陽變。察陰陽之故。叅變化之機。其知生物之功乎。生則化。成則變。然必成而後有生。陽根

變。脫其本根。易其故體。生者謂之化。融液所畜。暢茂其緒。故冬至之後。生意皆含。夏至之後。生色皆達。含者化

之機。達者變之漸。陰陽互為其根。求其所以然。微妙而難悉也。一化一變。理不盡顯。物自相形。機緘所存。非審

察叅詳。則天地生物之功。莫之有知矣。夫含生者。先天也。以後天為之體。達生者。後天也。以先天為之神。養生

家欲求先天之氣當思化裏一變非化不能變非變則
 化者終於化矣推之物理亦然凡事之立其始甚幾微
 充廣必盛大盛必衰衰必敝敝則變不變則毀毀則熄
 此知道者之所深憂乎圖善變而不毀者其諸取法於
 農故聖人推日星定四時分節候而示民以則於四時
 早晚見於節候歲氣係於日星期三百有六旬有六日
 也日窮於次月離於紀星回於天此一歲之終也日行
 速而月遲故有餘日而以閏月收之天行健而日月不
 能及故有歲差而以六十年約之一歲之中春而夏夏
 而秋秋而冬四時順布也四時有八節立春分立夏
 夏至立秋秋分立冬冬至也冬至以後陽漸長立春而
 夏至也春分陽氣之中也立夏得陽三之二至夏至而
 極矣夏至以後陰漸長立秋陰之出也秋分陰氣之中
 也立冬得陰三之二至冬至而極矣堯命羲和日中星
 鳥以殷仲春日永星火以正仲夏宵中星虛以殷仲秋
 日短星昴以正仲冬不詳其餘者以一陰生主殺主成故
 之耳冬至一陽生主生長夏至一陰生主殺主成故
 曰生者陽也成者陰也含雖未見其生達雖未見其殺
 而幾已在矣夫發其生者與其晚也寧早收其成者與
 其早也寧晚此陽進而前陰退而後之道也

四民月令正月地氣上騰。土長冒。概陳根可拔。急菑強土。黑廬之田。二月陰凍畢。澤可菑美田。緩土。及河渚水處。三月杏花勝。可菑沙白輕土之田。五月六月。可菑麥田。

齊民要術凡愛田常以五月耕。六月再畊。七月勿耕。謹摩平以待種。

又二月三月種者爲植禾。四月五月種者爲穉禾。二月上旬及麻菩楊生種者爲上時。三月上旬及清明節。桃始花爲中時。四月上旬及棗葉生。桑花落爲下時。歲道宜晚者。五月初亦得。春種欲深。宜曳重撻。夏種欲淺。直置自生。

又大小麥。皆須五月六月曠地。穡麥非良地。則不須種。八月中戊社前種者爲上時。下戊前爲中時。八月末九月初爲下時。小麥宜下種。八月上戊社前爲上時。中戊前爲中時。下戊前爲下時。正月二月。勞而鋤之。三月四月。鋒而更鋤。

又五穀大判。上旬種者全收。中旬中收。下旬下收。農桑通訣。農書云。種蒔之事。各有攸序。正月種麻。二月種粟。脂麻。三月種旱麻。四月種荳。五月中旬種晚麻。七夕以後種菜。菘。菘芥。八月社前。即可種麥。如此則種有次第。所謂順天之時也。

占驗總附

董仲舒雨雹對太平之世。風不鳴條。開甲散萌而已。雨不破塊。潤葉津莖而已。

〔京房易候〕太平之時。十日一雨。凡歲三十六雨。此休徵時若之應。

〔春秋說題辭〕一歲三十六雨。天地之氣宣。十日小雨應天文。十五日大雨以斗運也。

〔論衡〕太平瑞應。五日一風。十日一雨。

〔田家雜占〕天下太平。夜雨日晴。言不妨農也。以上總論風雨。

〔農政全書〕日暈則雨。諺云。月暈主風。日暈主雨。日腳占晴雨。諺云。朝又天。暮又地。主晴。反此則雨。日沒後起清白光數道。下狹上闊。直起互天。此特夏秋間有之。

俗呼青白路。主來日酷熱。日生耳主晴雨。諺云。南耳晴。北耳雨。日生雙耳。斷風截雨。若是長而下垂通地。則又名白日幢。主久晴。日出早主雨。出晏主晴。老農云。此特言久陰之餘。夜雨連旦。正當天明之際。雲忽一掃而捲。卽光。日出所以言早。少刻必雨。立驗。言晏者。日出之後。雲晏開也。必晴。亦甚准。蓋日之出入自有定刻。實無早晏也。愚謂但當云。晴得早主雨。晏開主晴。不當言日出早晏也。日外有雲障中起主晴。諺云。日頭薨雲障。曬殺老和尚。日沒返照主晴。俗名爲日返塢。一云日沒臙脂紅。無雨也有風。徐光啓曰。日返塢。明朝水沒路。日打洞。明朝曬背痛。或問二候相似。而所主不同何。

也。老農云。返照在日沒之前。臘脂紅在日沒之後。諺云。烏雲接日。明朝不如今日。又云。日落雲沒。不雨定寒。又云。日落雲裏走。雨在半夜後。此言一朵烏雲漸起。而日正落其中者。諺云。日落烏雲半夜杓。明朝曬得背皮焦。此言半天元有黑雲。日落雲外。其雲夜必開散。明必甚晴也。又云。今夜日沒烏雲洞。明朝曬得背皮痛。此言半天上雖有雲。及日沒下去。都無雲而見日。狀如巖洞者也。

古今諺 日出早。雨淋腦。日出晏。曬殺馬。

吳下田家志 壬子日雨。主久陰。

田家雜占 諺云。久晴逢戊雨。久雨望庚晴。又云。久雨不

晴。且看丙丁。

浩然齋抄俗諺云。逢庚雙變。遇甲卽晴。蓋遇庚於雙日

則變。遇甲於雙日則晴。多驗。已上論日。

詩小雅月離于畢。俾滂沱矣。

傳畢。躅也。月離陰星則雨。**疏**以畢爲月所離而雨。是

陰雨之星。故謂之陰星。

玉歷璇璣凡孟月七日。仲月八日。季月九日之夜。皆當
月暈。暈而不已。其下三日內。有暴風甚雨。月初生色
黑。有水。月滿色赤。爲旱。又月初生而偃有水。月始生有
黑雲貫月。名曰繳雲。不出三日暴雨。

雜占每月朔。一日管上旬。二日管中旬。三日管下旬。月

色青黑潤明。是旬有雨。若黃赤乾枯。則旬中無雨。

師曠占候月知雨多少。八月一日二日三日。月色赤黃者。其月少雨。月色青者。其月多雨。

農政全書月暈主風。何方有闕。卽此方風來。新月下

有黑雲橫截。主來日雨。諺云。初三月下。有橫雲。初四日裏雨傾盆。月盡無雨。則來月初必有風雨。諺云。廿五廿六若無雨。初三初四莫行船。廿五日謂之月交日。有雨主久陰。廿七廿八交月雨。初二初三勿肯晴。已上論月

後漢書郎顛傳石氏經曰。歲星出左有年。出右無年。

孝經援神契。歲星守心。年穀豐。

宋史天文志。歲星色光明潤。君壽民富。又主福。主大司

農主五穀。

農家諺乾星照濕土。明日依舊雨。

農政全書諺云。一個星。保夜晴。此言雨後天陰。但見一

兩星。此夜必晴。星光閃爍不定。主有風。夏夜見星

密。主熱。諺云。明星照爛地。來朝依舊雨。言久雨正當

黃昏。卒然雨住雲開。便見滿天星斗。豈但明日有雨。當

夜亦未必晴。黃昏上雲。半夜消。黃昏消雲。半夜澆。若

半夜後雨止雲開。星月朗然。則必晴無疑。

已上論星。

又夏秋之交大風。及有海沙雲起。俗呼謂之風潮。古人

名之曰颶風。言其具四方之風。故名颶風。有此風。必有

霖淫大雨同作。甚則拔木偃禾。壞房室。決堤堰。其先必

有如斷虹之狀者見名曰鷗母航海之人見此則又名
破帆風。凡風單日起單日止雙日起雙日止。諺云
西南轉西北。搓繩來絆屋。又云。半夜五更西。天明拔樹
枝。又云。日晚風和。明朝再多。又云。惡風盡日沒。又云。日
出三竿不急便寬。大凡風日出之時必畧靜。謂之風讓
日。大抵風自日內起者必善。夜起者必毒。日內息者必
和。夜半息者必大凍。諺云。風急雨落。人急客作。又云。
東風急。被蓑笠。風急雲起。愈急必雨。諺云。東北風。雨
太公言。艮方風雨。卒難得晴。俗名曰牛筋風雨。指丑位
故也。諺云。行得春風有夏雨。言有夏雨應時。可種田
也。非謂水必大也。經驗。諺云。西南早。到晏弗動草。言

早有此風。向晚必晴。諺云。南風尾。北風頭。言南風愈吹愈急。北風初起便大。春南夏北。有風必雨。冬天南風三兩日。必有雪。天氣濕熱鬱蒸。主有風。古語云。熱極則生風。語云。東南風跳擲。三日退一尺。

陶朱公書。青龍風急。大雨將來。朱雀風回。烈日晴燥。白虎風生。必有雨霧。元武風急。雨水相隨。寅卯時爲青龍。巳午時爲朱雀。申酉時爲白虎。亥子時爲元武。隨方起風。應乎雨晴。

田家五行。風自月建方來。爲得其正。萬物各得其所。晴雨各得其宜。又風吹月建方位。主米貴。

師曠占。常以十月朔日。占春糶貴賤。風從東來。春賤。逆

此者貴。以四月朔占秋糶。風從南來西來者。秋皆賤。逆此者貴。以正月朔占夏糶。風從南來東來者皆賤。逆此者貴。已上論風

朝野僉載。春雨甲子。赤地千里。夏雨甲子。乘船入市。秋雨甲子。禾頭生耳。冬雨甲子。牛羊凍死。

吳下田家志。戊午原同甲子期。始終七日最稀奇。七日多晴兩月燥。七日多雨兩月泥。甲申主米暴貴。春主五穀不收。夏主傷田禾。秋主六畜死。冬主人多病。諺云。甲申猶且可。乙酉怕殺我。

又上旬交月雨。謂朔月之雨也。主月內多雨。

田家雜占。壬子日。春雨人無食。夏雨牛無食。秋雨魚無

食。冬雨鳥無食。

又自正月至五月。五朔皆有大雨。主人饑蝗起。

易飛候。凡候雨。以晦朔弦望。雲漢四塞者皆當雨。如斗牛彗。當暴雨。有異雲如水牛。不三日大雨。黑雲如羣羊奔。如飛鳥。五日必雨。雲如浮船。皆雨。北斗獨有雲。不五日大雨。四望青白雲。名曰天寒之雲。雨微。蒼黑雲細如杼軸。蔽日月。五日必雨。雲如兩人提鼓持桴者。皆爲暴雨。

金樓子。旦雨。謂之月額。

雜占。江淮俗驗。每月初二十六日雨。則月內多雨。

田家五行。二十七日最宜晴。諺云。交月無過廿七晴。月

盡無雨。則來月初必有風雨。

農政全書 諺云。雨打五更日。曬水坑。言五更忽然雨。日

中必晴。甚驗。晏雨不晴。雨著水面上有浮泡。主卒

未晴。諺云。一點雨似一個釘。落到明朝也不晴。一點

雨似一個泡。落到明朝未得了。諺云。上牽晝。下牽齋。下

晝雨。齊齊。諺云。雨落怕天亮。言天明時忽雨。此日可

晴。若久雨正當昏黑。忽自明亮。反是雨候也。雨夾雪。

難得晴。諺云。夾雨夾雪。無休無歇。諺云。快雨快晴。

道德經云。飄風不終朝。驟雨不終日。凡久雨至午少

止。謂之遺晝。在正午遣。或可晴。午前遣。則午後雨不可

勝。竈灰帶溫作塊。天將變。作雨兆。齋前風。晝後雨。

並言難止。

已上論雨。

陶朱公書朝看東南有雲氣隨太陽上下不遠者此雲在日初出應巳午時巳午時隨太陽則應未申時未申時隨太陽則應酉戌時有雷雨。又太陽未出將晨之先看東南黑雲如雞頭如旗幟如山峯如陣鳥如龍頭如魚如蛇如靈芝如牡丹應當日未申時有雨或紫黑雲貫穿或在日上下者並應當日雨。

農政全書雲行占晴雨。諺云雲行東雨無踪。車馬通雲行西馬濺泥。水沒犁。雲行南雨潺潺。水漲潭。雲行北雨便足。好曬穀。上風雖開。下風不散。主雨。諺云上風皇。下風隘。無蓑衣。莫出外。雲若砲車形起。主大風。

雲起下散四野。滿日如烟如霧。名曰風花。主風起。諺云。西南陣。單過也。落三寸。言雲陣起自西南來者。雨必多。尋常陰天。西南障上亦雨。諺云。太婆年八十八。弗曾見東南陣頭發。又云。千歲老人。不曾見東南陣頭雨。沒子田言雲起自東南來者。絕無雨。凡雨陣自西北起者。必雲黑如潑墨。又必起作眉梁陣。主先大風而後雨。終易晴。天河中有黑雲生。謂之河作堰。又謂之黑豬渡河。黑雲對起。一路相接亘天。謂之雨作橋。雨下濶。則又謂之合羅陣。皆主大雨立至。少頃必作滿天陣。各通界雨。言廣濶普遍也。若是天陰之際。或作或止。忽有雨作橋。則必有掛帆兩脚。又是雨脚將斷之兆也。不可

一例而取。 諺云。旱年只怕沿江跳。水年只怕北江紅。一云。太湖晴。上文言亢旱之年。望雨如望恩。纔見四方遠處。雲生陣起。或自東引而西。自西而東。所謂沿江跳也。則此雨非但今日不至。必每日如之。卽是久旱之兆也。澇年。每至晚時。雨忽至。雲稍浮北。似霞非霞。紅光曜日。雨必隨作。當主夜夜如此。直至大暑而後已。謂之北江紅。此吳語也。故指北江爲太湖。若是晚霽。必兼西天。但晴無雨。諺云。西北赤。好曬麥。 陰天卜晴。諺云。朝要天頂穿。暮要四脚懸。又云。朝看東南。暮看西北。 諺云。魚鱗天。不雨也。風顛。此言細細如魚鱗斑者。一云。老鯉斑雲障。曬殺老和尚。此言滿天雲。大片如鱗。故云老鯉。

徃徃試驗各有准。秋天雲陰若無風則無雨。冬天
近晚忽有老鯉斑雲起漸合成濃陰者必無雨。名曰護
霜天。諺云。識每護霜天不識每著子一夜眠。

京房風角要訣。候雨法。有黑雲如一匹布于日中。卽曰
大雨。二匹爲二日雨。三匹爲三日雨。

京房占。六甲日。雲四合。皆當日雨。雲多雨多。雲少雨少。
又六甲無雲。一旬少雨。

師曠占。常以五卯日候西北。有雲如羣羊者。卽有雨至。
陶朱公晝拂曉看南方黑雲最高。謂之雷信。明日巳午
時至。中天而止。應未申時。

孔氏談苑。大理少卿杜純之。京東人。言朝霞不出門。暮

霞行千里。言雨後朝晴尚有雨。須得晚晴。乃真晴。

田家五行諺云。朝霞暮霞。無水煎茶。主旱。此言久晴之霞也。朝霞不出市。暮霞走千里。此皆言雨後乍晴之霞。暮霞若有火焰形而乾紅者。非但主晴。必主久旱之兆。朝霞雨後乍有。定雨無疑。或是晴天。隔夜雖無。今朝忽有。則要看顏色。斷之。乾紅主晴。間有褐色。主雨。滿天謂之霞。得過主晴。霞不過主雨。若西方有浮雲稍厚。雨當立止。

雜占。早看東南。暮看西北。空則無雨。雖有雲而片色分明。亦晴。夜觀北斗魁罡之間。有黑潤雲在畔。則當夜有雨。如北斗前有黃氣者。明日當風。若潤。則當夜或明日。

必大雨。

古今諺早霞紅丟丟。向午雨瀏瀏。晚來紅丟丟。早晨大

日頭。

已上論
雲霞。

農政全書莊子云。騰水上溢爲霧。爾雅云。地氣上天不

應曰霧。凡重霧三日。主有風。諺云。三朝霧露起。西風若

無風。必主雨。又云。霧露不收。卽是雨。

已上
論霧。

又諺云。東蠶晴。西蠶雨。諺云。對日蠶。不到晝。主雨。言西

蠶也。若蠶下便雨。還主晴。虹。俗呼曰蠶。

已上
論虹。

又諺云。未雨先雷。船去步來。主無雨。諺云。當頭雷無

雨。卯前雷有雨。凡雷聲響烈者。雨陣雖大而易過。雷聲

殷殷然響者。卒不晴。雷初發聲微和者。歲內吉。猛烈

者凶。雪中有雷。主陰雨百日方晴。東州人云。一夜

起雷三日雨。言雷自夜起必連陰。

已上論雷。

又夏秋之間。夜晴而見遠電。俗謂之熱閃。在南主久晴。

在北主便雨。諺云。南閃半年。北閃眼前。北閃俗謂之

北辰閃。主雨立至。諺云。北閃三夜無雨大怪。言必有大

風雨也。

以上論電。

又冰後水長。名長水冰。主來年水。冰後水退。名退水冰。

主旱。若冰堅可履。亦主水。

已上論冰。

又每年初下只一朝。謂之孤霜。主來年歉。連得兩朝以

上。主熟。上有鎗芒者吉。平者凶。春多主旱。毛頭霜。主

明日風雨。雪霽不消。名曰等伴。主再有雪。久經日照。

而不消。亦是來年多水之兆也。

已上論霜雪。

又夏初水中生苔。主有暴水。諺云。水底起青苔。卒逢大水來。水際生靛青。主有風雨。諺云。水面生青靛。天公又作變。諺云。大水無過一週時。言天道久雨。山澤發洪。大水橫流。江河陡漲之易也。諺云。大旱不過週時雨。大水無非百日晴。言天道須是久晴。則水方能退也。故論潮者云。晴乾無大汛。合而言之。可見水漲之易。退之難也如此。凡東南風退水。西北反爾。此理蓋只是吳中太湖東南之常事。初冬大西北風。湖水泛起。吳江人家皆浸水中。風息復平。謂之翻湖水。纔是南風連吹半月十日。便可退水三二尺。又不還漲。水邊經行。聞

得水有香氣。主雨。水驟至。極驗。或聞水腥氣亦然。河
內浸成包稻種。既沒復浮。主有水。已上論水。

又草得氣之先者。皆有所驗。薺菜先生歲欲甘。葶蘆先
生歲欲苦。藕先生歲欲雨。蒺藜先生歲欲旱。蓬先生歲
欲流。水藻先生歲欲惡。艾先生歲欲病。孟月占之。五
穀草占稻色。草有五穗。近本莖爲早色。腰末爲晚禾。隨
其穗之美惡。以斷豐歉。未必極驗。但其草每年根根相
似。草屋久雨。菌生其上。朝出晴。暮田雨。諺云。朝出曬
殺。暮出濯殺。看窠草。一名干戈。謂二石刺故也。蘆葦
之屬。叢生於地。夏月暴熱之時。忽自枯死。主有水。諺云。
頭葶生子。沒殺二葶。二葶生子。早殺三葶。菱草。水草。

也。村人嘗剝其小白嘗之。以下水旱。味甘主水。已來亦未止。味餽氣主旱。未來亦已定。梧桐花初生時。赤色主旱。白色主水。扁荳五月開花。主水。杞夏月開結。主水。藕花謂之水花魁。開在夏至。主水。野薔薇開在立夏前。主水。麥花晝放。主水。扁豆鳳仙花。開在五月。主水。槐花開一遍。糯米長一遍價。

雜陰陽書。禾生于棗或楊。大麥生于杏。小麥生于桃。稻生于柳或楊。黍生于榆。大豆生于槐。小豆生于李。麻生于楊或荆。

師曠占術。杏多實不蟲者。來年秋禾善。五木者。五穀之先。欲知五穀。但視五木。擇其木盛者。來年多種之。萬不

失一也。

已上論草木。

農政全書諺云。鴉浴風。鵲浴雨。八哥兒洗浴斷風雨。鳩鳴有還聲者。謂之呼婦。主晴。無還聲者。謂之逐婦。主雨。鵲巢低主水。高主旱。俗傳鵲意既預知水。則云終不使我沒殺。故意愈低。既預知旱。則云終不使曬殺。故意愈高。海燕忽成羣而來。主風雨。諺云。烏肚雨。白肚風。赤老鴉。含水叫早。主雨多。人辛苦。叫晏晴多。人安閒。農作次第。夜間聽九道遙鳥叫。卜風雨。諺云。一聲風。二聲雨。三聲四聲斷風雨。鵲鳥仰鳴則晴。俯鳴則雨。鵲噪早報晴。名曰乾鵲。冬寒天。雀羣飛。翅聲重。必有雨雪。鬼車鳥。北人呼爲九頭蟲。夜聽其聲出入。以卜

晴雨自北而南謂之出窠。主雨自南而北謂之歸窠。主晴故詩云。月黑夜深聞鬼車。喫鷓叫主晴。俗謂之賣蓑衣。鷓叫。諺云。朝鷓晴。暮鷓雨。夏秋間雨陣將至。忽有白鷺飛過。雨竟不至。名曰截雨。家雞上宿遲。主陰雨。燕巢做不乾淨。主田內草多。母鷄背負雞鷓。謂之雞跣兒。主雨。喫井水禽也。在夏至前叫主旱。諺云。夏前喫井叫。有車個。恰喫無車個。鷓鷓。一名淘河。鷓鷓之屬。其狀異常。每來必主大水。元至正庚寅五月十八日。方梅水漲。忽見此怪數十。自西而東。衆謂沒田先兆。一老農云。不妨。夏至前來曰犁湖。至後曰犁途。以其嘴之形狀相似。湖言水深。途言水淺。今至後八日。

此後雨脚斷。水退矣。雖然。疑信不決。後果天晴。高下皆得成熟。若此至前至後。便分禍福兩端。可謂奇驗。占候者慎之。獼窟近水主旱。登岸主水。有驗。圍塍上野鼠爬泥。主有水。必到所爬處方止。鼠咬麥苗。主不見收。咬稻苗亦然。狗爬地。主陰雨。每眠灰堆高處。亦主雨。狗咬青草吃。主晴。狗向河邊吃水。主水退。鐵鼠其臭可惡。白日銜尾成行而出。主雨。貓兒吃青草。主雨。絲毛狗褪毛不盡。主梅水未止。已上論禽獸

又龍下雨主晴。凡見黑龍下。主無雨。縱有亦不多。白龍下雨。必多水鄉。諺云。黑龍護世界。白龍讓世界。龍下頻主旱。諺云。多龍多旱。龍陣雨。始自何一路。只多

行此路無處絕無諺云。龍行熟路。

已上論龍

又魚躍離水面。謂之秤水。主水漲高多少。增水多少。凡鯉鯽魚在四五月間。得暴漲。必散子。散不盡水。則盛散。水勢必定。夏至前後。得黃鱔魚甚散子。時雨必止。雖散不甚。水終未定。最緊。車溝內魚來攻水逆上。得鮎主晴。得鯉主水。諺云。鮎乾鯉濕。又云。鯽魚主水。鱔魚主晴。黑鯉魚脊翼長。接其尾。主旱。夏初食鯽魚。脊骨有曲。主水。漁者網得死鰕。謂之水惡。故魚著網即死也。口開主水立至。易過。口閉來遲。水旱不定。

已上論魚

又水蛇蟠在蘆青高處。主水高若干。漲若干。回頭望下。水即至。望上稍慢。水蛇及白鰻入鰕籠中。皆主大風。

水作。春暮暴煖。屋木中出飛蟻。主風雨。平地蟻陣作亦然。驚探頭。占晴雨。諺云。南望晴。北望雨。田角小螺兒。名曰鬼螭。浮于水面。主有風雨。石蛤。蝦蟆之屬。叫得響亮成通。主晴。諺云。杜蛤叫三通。不用問家公。言報晚晴有准也。田雞噴水叫。主雨。蚱蜢蜻蜓黃蚩等蟲。在小滿以前生者。主水。俗呼是魚口中食。謂其繼經風雨。俱死于水故也。黃梅三時內。蝦蟆尿曲有雨。大曲大雨。小曲小雨。二蠶初出。變化得多。主水。蚯蚓俗名曲蟾。朝出晴。暮出雨。夏至日。蟹上岸。夏至後。水到岸。已上論蟲。

欽定授時通考卷三

天時

春

易說卦萬物出乎震。震東方也。

疏震是東方之卦。斗柄指東爲春。春時萬物出生也。
書堯典分命羲仲。宅嵎夷。日暘谷。寅賓出日。平秩東作。
傳宅。居也。東表之地稱嵎夷。日出於谷而天下明。故稱暘谷。寅。敬。賓。導。秩。序也。歲起於東而始就耕。謂之東作。東方之官。敬導出日。平均次序。東作之事。以務農也。

日中星鳥。以殷仲春。厥民析。鳥獸孳尾。

傳日中謂春分之日。鳥南方朱鳥七宿。殷正也。春分之昏。鳥星畢見。以正仲春之氣節。冬寒無事。並入室處。春事既起。丁壯就功。

國語先時五日。警告以協風至。

注協和也。風氣和。時候至也。立春曰融風。

又農祥晨正。日月底於天廟。土乃脈發。

注農祥房星也。晨正謂立春之日。晨中於午也。農事之候。故曰農祥。

管子發五正。赦薄罪。出拘民。解仇讐。所以建時功。施穀也。

注謂及時立農功。施力爲生穀。凡此皆春令。

又日至六十日而陽凍釋。七十日而陰凍釋。藝稷。百日不藝稷。故春事二十五日之內耳。

淮南子明庶風至。則正封疆。修田疇。

注春分播穀。

又春風至。則甘雨降。生育萬物。

漢書律歷志。少陽者東方。東動也。陽氣動物。於時爲春。春蠢也。物蠢生乃動運。

後漢書郎顛傳。雷者所以開萌芽。辟陰除害。萬物須雷而解。資雨而潤。王者崇寬大。順春令。則雷應節。

古三墳物象春。春主發生。物之象也。

說文辰者。農之時也。故農字從辰。田候也。

談撰卉木皆感於春氣而後發生者以木旺寅卯然也。
師曠占春雷初起其音格格霹靂者所謂雄雷旱氣也。
其鳴依依音不大霹靂者謂之雌雷水氣也。

農桑通訣孟春立春節氣首五日東風解凍次五日蟄
蟲始振後五日魚上冰次雨水中氣初五日獺祭魚次
五日雁候北後五日草木萌動次仲春驚蟄節氣初五
日桃始華次五日倉庚鳴後五日鷹化爲鳩次春分中
氣初五日元鳥至次五日雷乃發聲後五日始電次季
春清明節氣初五日桐始華次五日田鼠化爲鴛後五
日虹始見次穀雨中氣初五日萍始生次五日鳴鳩拂
其羽後五日戴勝降於桑凡此六氣一十八候皆春氣

正發生之令。

說苑主春者。張昏而中。可以種穀。

農政全書東作既興。早起夜眠。春間最爲緊要。古語云。一年之計在春。一日之計在寅。

占驗

田家五行凡春宜和而反寒。必多雨。諺云。春寒多雨水。又諺云。春風踏脚報。言易轉方。如人傳報不停脚也。一云。既吹一日南風。必還一日北風。報答也。二說俱應。

師曠占春辰巳日雨。蝗蟲食禾稼。

田家雜占春甲子日雨。主夏旱六十日。春甲申日雨。主米暴貴。

又萌蕩內。春初雨。菌生。俗呼爲雷蕈。多則主旱。無則主水。

風角書。春甲寅日。風高去地三四丈。鳴條以上。常從申上來。爲大赦期。六十日應。

正月 立春 雨水

禮記月令。孟春之月。日在營室。昏參中。旦尾中。

註。日月之行。一歲十二會。聖王因其會而分之。以爲大數焉。觀斗所建。命其四時。此云孟春者。日月會於娵訾。而斗建寅之辰也。

其日甲乙。其帝太皞。其神勾芒。

註。乙。軋也。日之行春。東從青道。發三萬物。

時萬物皆解孚甲。自抽軋而出。太皞。宓義氏也。勾芒。少皞氏之子。曰重。爲木官。

又東風解凍。蟄蟲始振。魚上冰。獺祭魚。鴻雁來。

陳澠曰。此記寅月之候。振。動也。來。自南而北也。

又是月也。以立春。先立春三日。太史謁之。天子曰。某日立春。盛德在木。天子乃齊。立春之日。天子親帥三公九卿諸侯大夫。以迎春於東郊。

又天子乃以元日祈穀於上帝。

集說元日。辛日也。郊祭天而配。以后稷爲祈穀也。

又天氣下降。地氣上騰。天地和同。草木萌動。

註此陽氣蒸達。可耕之候。農書曰。土長冒橛。陳根可

拔耕者急發。

〔又〕王命布農事。命田舍東郊。皆修封疆。審端經術。善相邱陵。阪險原隰。土地所宜。五穀所植。以教道民。必躬親之。田事既飭。先定準直。農乃不惑。

管子正月之朝。穀始也。

又正月令農始作。服於公田。

呂氏春秋冬至後五旬七日。莒始生。莒者百草之先生者也。於是始耕。

後漢書祭祀志。立春之日。皆青幡幘。迎春於東郭外。

唐六典。正月上辛。祈穀於圜丘。以高祖配。

唐書王仲邱傳。開元中。王仲邱上言。貞觀禮。正月上辛。

祀感帝於南郊。顯慶禮祀昊天上帝於園丘以祈穀。

宋史禮志景德三年十二月。陳彭年言來年正月三日
上辛祈穀。至十日始立春。按月令春秋傳當在建寅之
月。迎春之後。後齊永明元年。立春前郊。議者欲遷日。王
儉啓云。宋景平元年。元嘉六年。並立春前郊。遂不遷日。
然則左氏所記啓蟄而郊。乃三代彝章。王儉所啓。郊在
春前。乃後世變禮。望常以正月立春之後。行上辛祈穀
之禮。從之。

四民月令正月可種瓜瓠葵芥大小蔥蒜苜蓿及雜蒜
亦種。

齊民要術元日五更雞鳴時。點火把照桑棗果木等樹。

則無蟲以刀斧班駁敲打樹身則結實。此之謂稼樹。
是日用尖刀刮破桃樹皮。是月命女工趨織布。典饋
釀春酒。是月教牛。修農具。築牆園。開溝渠。修蠶室。整
屋漏。織蠶箔。此月栽樹爲上時。上半月栽者多結子。
南風不可栽。

下子。 茄 瓜 薏苡 諸般花子 葫蘆 瓠

扦插。 楊柳 石榴 梔子

栽種。 松 桑 榆 柳 棗 蔥 葵 韭 麻

胡桃 榛子 松子 杏子 椒 牛蒡子 菠菜

竹 宜初 雜樹木 宜上 木棉花 苦蕒 山藥

冬瓜 宜十 黃瓜 萵苣生菜 四月芥 種草

種芋

接換。梨子 林檎 棗 柿 栗 桃 梅李 杏

以上並雨後。

澆培。石榴 梨子 海棠 棗 柿 梅 桃 杏

林檎 胡桃 以上並下旬。

收藏。無灰臘糟 蒸臘酒 合小豆醬

雜事。接諸般花木果樹 移諸般花木果樹 龍瓜

地 修諸色果木 修接桑樹 駙諸色樹木 駙與嫁同

占驗

禮記月令孟春行夏令則雨水不時草木早落國時有恐行秋令則其民大疫森風暴雨總至藜莠蓬蒿並興

行冬令則水潦爲敗。雪霜大摯。首種不入。

〔史記天官書〕正月旦決八風。風從南方來。大旱。西南小旱。西方有兵。西北戎菽爲。小雨趣兵。北方爲中歲。東北爲上歲。東方大水。東南民有疾疫。歲惡。

〔註〕戎菽。胡豆也。爲成也。

〔又〕故八風各與其衝對課。多者爲勝。多勝少。久勝亟。疾勝徐。旦至食爲麥。食至日昃爲稷。昃至舖爲黍。舖至下舖爲菽。下舖至日入爲麻。欲終日有雨。有雲有風有日。日當其時者。深而多實。無雲有風。日當其時。淺而多實。有雲風無日。當其時。深而少實。有日無雲不風。當其時者。稼有敗。如食頃小敗。熟五斗米頃。大敗。則風復起。有

雲其稼復起。各以其時用雲色占。種其所宜。其雨雪若寒。歲惡。

正義正月旦欲其終一日有風有日。則一歲之中。五穀豐熟無災害也。

又從正月旦數雨。率日食一升。至七升而極。過之不占。數至十二日。日直其月。占水旱。爲其環城千里內占。則其爲天下候。竟正月。

注月一日雨。民有一升之食。二日雨。民有二升之食。如此至七日。月一日雨。正月水。月三十日。周天歷二十八宿。然後可占天下。

又月所離列宿日。風雲占其國。然必察太歲所在。金穰

水毀木饑火旱。正月上甲風從東方宜蠶。風從西方若旦黃雲惡。

易說立春氣當至不至則多疾瘡。

古史考元日太史占氣候以知水旱吉凶隨分野書之。陶朱公書元日有雷禾麥皆吉有雪夏秋大旱日出時有紅霞主絲貴天晴爲上西北風主米貴每月如之諺云歲朝東北五禾大熟壬癸亥子之方謂之水門其方風來主水諺云歲朝西北風大雨定妨農西南風主米貴東南及南風皆主旱。

又占桑葉貴賤只看正月上旬木在一日助爲蠶食一葉爲甚貴木在九日則爲蠶食九葉爲甚賤。元日晴

春水少。括云。上元無雨多春旱。清明無雨少黃梅。夏至無雲三伏熱。重陽無雨一冬晴。元宵前後必有料峭之風。謂之元宵風。

黃帝占。正月二十日爲秋收日。晴主秋成百穀蕃茂。師曠占。立春雨傷五禾。

又正月甲戌日。大風東來折樹者。穀熟。甲寅日。大風西北來者貴。庚寅日。風從西來者皆貴。

齊民要術。欲識歲所宜。以布囊盛粟等諸物種。平量之。埋陰地。冬至後五十日。發取量之。息最多者。歲所宜也。玉海。祥符四年。正月己丑。司天言農丈人星見。主歲豐。物理論。正月朔旦。四面有黃氣。其歲大豐。此黃帝用事。

土氣黃均。四方並熟。有青氣雜黃。有螟蟲。赤氣大旱。黑氣大水。正朔占歲星。上有青氣宜桑。赤氣宜豆。黃氣宜稻。

又正月望夜占陰陽。陽長卽旱。陰長卽水。立表以測其長短。審其水旱。表長二尺。月影長二尺以內。大旱。二尺五寸至三尺。小旱。三尺五寸至四尺。調適。高下皆熟。四尺五寸至五尺。小水。五尺五寸至六尺。大水。月影所極。則正面也。立表中正。乃得其定。

羣芳譜元日值甲。穀賤。乙。穀貴。丙。四月旱。丁。絲綿貴。戊。米麥魚鹽貴。己。米貴。蠶傷。多風雨。庚。田熟。辛。米平。麥麻貴。壬。絹布豆貴。米麥平。癸。主禾傷。多風雨。一說元日值

戊主春旱。四十五日。

又三日得甲爲上歲。四日中歲。五日下歲。月內有甲寅米賤。

占書。一日得辛。旱。二日小收。三四日主水。麥半收。五六日小旱。七分收。八日歲稔。一云春旱不收。

通書。月內有三卯宜豆。無則早種禾。一云一日得卯十分收。二日低田半收。三四日大水。五日六日半收。七日八日春澇全收。

周益公日記。正月內有三子。葉少蠶多。無三子。則葉多蠶少。有三卯。則早豆收。無則少收。有三亥。主大水。一云正月得三亥。湖田變成海。在正月節氣方準。

便民書元日晴和無日色主有年日有暈主小熟有雷主一方不寧有電人殃霞氣主蟲蝗蠶少婦人災果蔬盛有霜主七月旱禾苗吉有霧主桑貴而民疾有雪主夏旱秋水如未過立春而元日雪主大有年

通考歲旦天氣晴朗氣溫和主民安國泰五穀豐登人少病犧牲旺寇盜息

類占正朔之日天氣和潤風不鳴條兼有雲迎送出入者歲美無疾朔日晚至連三日內無風雨而陰和不見日色者主一歲大美

探春歷記甲子日立春高鄉豐稔水過岸一尺春雨如錢夏雨調勻秋雨連綿冬雨高懸

紀歷撮要入日穀夜見星辰五穀豐登

研北雜志世謂正月三日爲田本命浙西人謂之夏正三言夏正之三日俗以是日稱水以重爲上有年極驗朝野僉載正月三白田公笑赫赫西北人諺曰要宜麥見三白。

臞仙神隱立春天陰無風民安蠶麥十倍東風吉人民安果穀盛。

田家五行正月十六日喜西南風爲入門風主低田大熟。

又春牛占歲事頭黃主熟又專主菜麥大熟青主春多瘟赤主春旱黑主春水白主春多風身色主上鄉腳色

主下鄉。

農政全書上八日宜晴。此夜若雨。元宵如之。諺云。上八夜弗見參星。月半夜弗見紅燈。

又雨水後陰多。主少水。高下大熟。諺云。正月罌坑好種田。

二月 驚蟄 春分

詩幽風四之日舉趾。

傳四之日。周四月也。民無不舉足而耕矣。

禮記月令仲春之月。日在奎。昏弧中。旦建星中。

註仲春日月會於降婁。斗建卯之辰。孔穎達曰。餘月昏旦中星皆舉二十八宿。此云弧與建星者。以弧星

近井。建星近斗。井斗度多星體廣。不可的指。故舉弧建以定昏旦之中。

又始雨水。桃始華。倉庚鳴。鷹化爲鳩。

陳澹曰。此記卯月之候。倉庚。黃鸝也。鳩。布穀也。鷹化爲鳩。以生育氣盛。故鷲鳥感之而變。

又擇元日。命民社。

註社。后土也。使民祀焉。神其農業也。祀社日用。

又是月也。日夜分。

陳澹曰。晝夜五十刻。

雷乃發聲。始電。蟄蟲咸動。啟戶始出。

疏。雷是陽氣之聲。將上與陰相衝。電是陽光。陽微則

光不見。此月陽氣漸盛以擊於陰。故云始電。戶穴也。謂發所蟄之穴。

國語自今至於初吉。陽氣俱蒸。土膏其動。

註初吉。二月朔日也。

又土發而社。助時也。

註土發。春分也。社者。助時求福。爲農始也。

呂氏春秋開春始雷。則蟄蟲動矣。時雨降。則草木育矣。又太簇之月。陽氣始生。草木繁動。令農發土。無或失時。洪範五行傳雷以二月出震。其卦曰豫。言萬物隨雷出地。皆逸豫也。

淮南子二月宮倉。

注二月播種。故官倉也。

白虎通仲春穫禾。報社祭稷。以三牲何。重功故也。

說文賸。楚俗以二月祭飲食也。一曰祈穀。食新曰離賸。又春分而禾生。

夏小正祈麥實。

傳麥者。五穀之先見者。故急祈而記之也。

又二月往耬黍禪。

傳禪。單也。

論衡二月之時。龍星始出見。出雩祈穀雨。

唐書李泌傳二月朔。里閭釀宜春酒。以祭句芒神。祈豐年。

荆楚歲時記春分日。民並種戒火草於屋上。有鳥如鳥。先雞而鳴。架架格格。民間此鳥。則入田以爲候。

四民月令二月陰凍畢澤。可蓄美田。緩土。及河渚水處。汜勝之書種麻子。二月下旬。傍雨種之。麻生布葉。鋤之。以蠶矢糞之。天旱以流水澆之。無流水。曝井水。殺其寒氣。以澆之。如此美田。則畝五十石及百石。薄田尙三十石。

齊民要術二月昏參夕。杏花盛。桑椹赤。可種大豆。謂之上時。家政法曰。二月可種瓜瓠。

又二月順陽習射以備不虞。春分中。雷乃發聲。先後各五日。寢別內外。蠶事未起。命縫人浣冬衣。徹複爲禘。其

有羸帛。遂供秋服。凡洗故帛。用灰汁。則色黃而且肥。擣

白而柔。朝勝皂莢矣。可糶粟黍大小豆麻麥子等。收薪炭。炭聚之

勿令棄之。持篲煮漸米泔。澆之。更持令熟。尤如雞子。曝乾。以供籠爐種火之用。輒得遠曙。堅寔耐久。逾炭十倍。

初二日。東作興。俗謂上工日。田家雇傭工之人。俱此日

執役之始。故名上工。泥蠶室。春百果木根。則子牢。

此月雨水中。埋諸花樹條。則活。中旬種稻為上時。

下子。麻子 紅花 山藥 白扁豆 桑椹

扞插。蒲桃 石榴

栽種。槐 穀楮 粟 松 銀杏 棗 皂莢 菊

茶 木瓜 薤 桐樹 決明 百合 胡麻

黃精 木槿 茨菰 甘蔗 雜菜 藕 芋宜雨多。

竹 茄 瓜 莧 枸杞 萱草 蒼朮 芭蕉

萵苣 紫蘇 烏豆 豌豆 茱萸 韭 夏蘿

葡萄 茗帚 大葫蘆 菘菜 大脾豆

壓條。桑條

接換。柑 橘 柿 棗 橙 柚 杏 栗 桃

梅 梨 李 胡桃 銀杏 楊梅 枇杷 沙柑

石榴 紫丁香以上春分前後皆可。

澆培。柑 橘 橙 柚 蒲萄

收藏。百合曲 槐芽 皂角 新茶

雜事。移諸般花木。並忌南風火日。理蠶事。春耕宜遲。恐陽氣

未透。插諸色樹木。解樹上纒縛。二月二日取

枸杞煮湯沐浴。令人光澤。不老不病。

續文獻通考。元武宗至大三年。命祀先農。樂用登歌。日用仲春上丁。或用上辛。或甲日。

占驗

禮記月令。仲春行秋令。則其國大水。寒氣總至。寇戎來征。行冬令。則陽氣不勝。麥乃不熟。民多相掠。行夏令。則國乃大旱。暖氣早來。蟲螟爲害。

陶朱公書。二月朔日。值驚蟄。主蝗蟲。值春分。主歲歉。風雨。主米貴。

又。二月初八日。東南風。謂之上山旗。主水。西北風。謂之下山旗。主旱。

又十五日爲勸農日。晴和主年豐。風雨主歲歉。

又二月虹見在東。主秋米貴。在西。主蠶貴。驚蟄前後有雷。謂之發蟄。雷聲初起。從乾方來。主人民災。坎方來。主水。艮方來。主米賤。震方來。主歲稔。巽方來。主蝗蟲。離方來。主旱。兌方來。主五金長價。詩曰。初二天晴東作興。初七八日看年成。花朝此夜晴明好。何處連綿夜雨傾。師曠占。二月甲戌日。風從南來者稻熟。二月乙卯日。不雨晴明。稻上場不熟。

通考。二月甲子日發雷。大熟。一云大熟。

又十六日。乃黃姑浸種日。西南風主大旱。高鄉人見此風。卽懸百文錢於簷下。風力能動。則舉家失聲相告。風

愈急愈旱。又主桑葉貴。

經世民事錄

二月內有三卯。則宜豆。無則旱。種禾。

談薈二月二十日。謂之小分龍日。晴。分嬾龍。主旱。雨。分健龍。主水。

農政全書

二月十二日夜宜晴。可折十二夜夜雨。二月

最怕夜雨。若此夜晴。雖雨多亦無所妨。

越人陳元義云。二月內得十二

個夜晴。則一年雨晴調勻。更十二夜中又雨。爲水潦年歲矣。

十夜以上雨。水鄉人盡

叫苦。初四有水。謂之春水。初八日。前後必有風雨。

諺云。清明斷雪。穀雨斷霜。言天氣之常。

四時占候

二月朔日雨。稻惡糴貴。晦日雨。人多疾。

萬寶全書。春分日。西風麥貴。南風先水後旱。北風米貴。

三月 清明 穀雨

禮記月令季春之月。日在胃。昏七星中。旦牽牛中。

註季春日月會於大梁。斗建辰之辰。 陳澔曰。七星。二十八宿之星宿也。

又桐始華。田鼠化爲鴛。虹始見。萍始生。

陳澔曰。此記辰月之候。鴛鶓鶻之屬。

又薦鮪於寢廟。乃爲麥祈實。是月也。生氣方盛。陽氣發泄。句者畢出。萌者盡達。

註於含秀求其成也。句。屈生者。芒而直曰萌。

又是月也。命司空曰。時雨將降。下水上騰。循行國邑。周視原野。修利隄防。道達溝瀆。開通道路。毋有障塞。

淮南子清明加十五日斗指辰則穀雨音比姑洗。

孝經緯斗指辰爲穀雨言雨生百穀也。

說文辰震也三月陽氣動雷電振民農時也物皆生。

嘉定縣志三月十一日爲麥生日喜晴。

祛疑說農家以霜降前一日見霜則清明前一日霜止。

霜降後一日見霜則清明後一日霜止五日十日而往。

前後同占欲出秧苗必待霜止每歲推驗若合符節。

汜勝之書三月榆莢時有雨高田可種大豆土和無塊。

畝五升土不和則益之。

又種禾無期因地爲時三月榆莢時雨膏地強可種禾。

齊民要術穀雨三月上旬及清明節桃始華爲中時。

又三月可種稷稻。

又是月也。蠶農尚閒。可利溝瀆。葺治墻屋。修門戶。警設守備。以禦春饑草竊之寇。是月盡夏至。煖氣將盛。日烈暎燥。利用漆油。作諸日煎藥。可糶黍買布。四月繭既入簇。趨繰。剖線。具機杼。敬經絡。草茂可燒灰。是月也可作棄蛹。以禦賓客。可糶麵。及大麥弊絮。

下子。茨菰。宜穀雨日。麻子。

栽種。菜豆。宜陰地。粟。穀。秫稌。石榴。犬

豆。宜上旬。松。百合。山藥。黃瓜。紫草。紅花。

甘蔗。菱。早芝蔴。雞頭。薑。葵菜。絲瓜。

兒。宜社日。香菜。早稻。宜上旬。地黃。梔子。藍。

紫蘇 芋 綿花 杏 瓠子 葫蘆 菱白 菠

菜宜月未 桑椹 紵麻

收藏 芥菜 桐花 毛羽衣物 清明醋 次茶宜

晝入焙中 又可栽茶地宜陰 諸般瓜宜初三日或辰戌時

葫蘆宜清日

移植 椒 茄秧 枸杞苗 蒲百合 柚 橘 橙

柑

接換 楊梅 橙 相 棗 栗 柿 枇杷

雜事 犁秧田 梅上接杏 杏上接梅 埋楮樹 收

菌 開溝 修牆 防雨 浸穀種 修蜜

占驗

禮記月令。季春行冬令。則寒氣時發。草木皆肅。國有大恐。行夏令。則民多疾疫。時雨不降。山陵不收。行秋令。則天多沉陰。淫雨早降。兵革並起。

陶未公書。朔日值清明。主草木榮茂。值穀雨。主年豐。風雨主人災。百蟲生。有雷。主五穀熟。

種樹書。常以三月三日雨。卜桑葉之貴賤。諺云。雨打石頭徧。桑葉三錢片。或曰。四日尤甚。杭人曰。三日尚可。四日殺我。言四日雨尤貴。

田家五行。清明午前晴。早蠶熟。午後晴。晚蠶熟。

又。二月初三晴。桑葉掛銀瓶。雨打石頭斑。桑葉錢上盤。雨打石頭流。桑葉好餒牛。

又三月無三卯。田家米不飽。

又穀雨日辰值甲辰。蠶麥相登大喜忻。穀雨日辰值甲午。每箔絲綿得三觔。清明無雨少黃梅。又雨打紙錢頭。麻麥不見收。雨打墓頭錢。今年好種田。門前插柳青。農人休望晴。門前插柳焦。農人好作嬌。

嘉定縣志三月三上巳日聽蛙聲。占水旱。諺云。田雞叫得啞。低田好稻把。田雞叫得響。低田好牽漿。唐詩。田家無五行。水旱聽蛙聲是也。

農政全書若清明寒食前後有水而渾。主高低田禾大熟。四時雨水調。穀雨日雨。主魚生。諺云。一點雨。一個魚。穀雨前一兩朝霜。主大旱。是日雨則魚生。必主多。

金定抄甲運考 卷三
雨。二麥紅腐。不可食用。月內有暴水。謂之桃花水。則多梅雨。無澇亦無乾。雪不消。則九月霜不降。雷多。歲稔。虹見。九月米貴。

欽定授時通考卷四

天時

夏

書堯典申命羲叔。宅南交。平秩南訛。敬致。

傳申。重也。南交。言夏與春交。此居治南方之官。訛。化也。掌夏之官。平敘南方化育之事。敬行其教。以致其功。

日永。星火。以正仲夏。厥民因。鳥獸希革。

傳永。長也。謂夏至之日。火。蒼龍之中星。舉中則七星見。可知。以正仲夏之氣節。季孟亦可知。因。謂老弱。因就在田之丁壯。以助農也。夏時。鳥獸毛羽希少。改易。

革改也。

農桑通訣。孟夏立夏節氣。初五日。螻蟻鳴。次五日。蚯蚓出。後五日。王瓜生。次小滿中氣。初五日。苦菜秀。次五日。靡草死。後五日。麥秋至。次仲夏芒種節氣。初五日。螳螂生。次五日。鵙始鳴。後五日。反舌無聲。次夏至中氣。初五日。鹿角解。次五日。蜩始鳴。後五日。半夏生。次季夏小暑節氣。初五日。溫風至。次五日。蟋蟀居壁。後五日。鷹始鷙。次大暑中氣。初五日。腐草爲螢。次五日。土潤溽暑。後五日。大雨時行。凡此六氣一十八候。皆夏氣正長養之令。埤雅。江湘二浙。四五月間。梅欲黃落。則水潤土溽。柱礎皆汗。蒸鬱成雨。謂之梅雨也。

瑣碎錄立夏後逢庚日爲入梅。芒種後逢辰日爲出梅。
四民月令五月六月可菑麥田。

四月 立夏 小滿

禮記月令孟夏之月。日在畢。昏翼中。旦婺女中。

註孟夏日月會於實沈。斗建巳之辰。
其日丙丁。其帝炎帝。其神祝融。

註丙之言炳也。日之行夏。南從赤道。長育萬物。月爲
之佐。時萬物皆炳然著見而強大。炎帝大庭氏也。祝
融。顓頊氏之子曰犁。爲火官。陳澹曰。大庭氏卽神農
也。

又螻蟪鳴。蚯蚓出。王瓜生。苦菜秀。

陳澔曰。此記巳月之候。註螻蝻。蛙也。王瓜。葦挈也。今月令云。王蕢生。夏小正云。王蕢秀。朱氏曰。王瓜色赤。感火之色而生。苦菜味苦。感火之味而成。

又是月也。以立夏。先立夏三日。太史謁之。天子曰。某日立夏。盛德在火。天子乃齊。立夏之日。天子親帥三公九卿大夫。以迎夏於南郊。

又是月也。天子始絺。命野虞出行田原。爲天子勞農勸民。毋或失時。命司徒循行縣鄙。命農勉作。毋休於都。是月也。驅獸。毋害五穀。毋大田獵。農乃登麥。

又是月也。聚畜百藥。靡草死。麥秋至。
左傳龍見而雩。

註建巳之月。蒼龍宿之體。昏見東方。萬物始盛。待雨而大。故祭天。遠爲百穀祈膏雨。

春秋考異。邳三時惟有禱禮。惟四月龍星見。始有常雩。呂氏春秋。孟夏之昔。三葉而穫大麥。

注昔終也。三葉。齊。葶。歷。薪。莫也。是月之季枯死。大麥熟而可穫。大麥。旋麥也。

淮南子。孟夏之月。以熟穀禾。雄鳩長鳴。爲帝候歲。

注雄鳩。蓋布穀也。

又立夏加十五日。斗指巳則小滿。音比太簇。

孝經緯。斗指巳爲小滿。小滿者。言物於此小得滿盈也。嬾真子錄。小滿四月中。謂麥之氣至此方小滿而未熟。

欽定四庫全書

卷四

三

也。
荆楚歲時記四時有鳥名獲穀。其名自呼。農人候此鳥。則犁杷上岸。

汜勝之書黍者。暑也。種必待暑。先夏至三十日。此時有雨。疆土可種黍。一畝三升。黍心未生。雨灌其心。心傷無實。黍心初生。畏天露。令兩人對持長索。槩去其露。日出乃止。

齊民要術是月收諸色菜子。斫倒就地。曬打收之。用瓶罐盛貯。標記名號。是月收蜜蜂。此月伐木不性。

下子。芝麻

扦插。梔子

栽種。椒 松 大豆 紫蘇 麻宜夏至前十日 晚黃瓜

葵 蓮 菜豆 白苧 荷根宜立夏前三日 梔子

枇杷

收藏。絲綿 大麥 乾菘 蒿芥 鹽春菜 蘿蔔

子 笋乾 芋魁 蠶豆 甜菜乾 晚菜乾

雜事。曬白菜 移茄 包梨 鋤葱芋 斫竹

占驗

禮記月令孟夏行秋令則苦雨數來五穀不滋四鄙人保行冬令則草木蚤枯後乃大水敗其城郭行春令則蝗蟲為災暴風來格秀草不實。

羣芳譜諺云有穀無穀且看四月十六立一丈竿量月

影。月當中時影過竿。雨水多。沒田。夏旱人饑。長九尺。主三時雨水。八尺七尺。主雨水。六尺。低田大熟。高田半收。五尺。主夏旱。四尺。蝗。三尺。人饑。

嘉定縣志 四月初四爲稻生日。喜晴。

談苑 江南民於四月一日。至四日。卜一歲之豐凶。云一日雨。百泉枯。言旱也。二日雨。傍山居。言避水也。三日雨。騎木驢。言踏車取水。亦旱也。四日雨。餘有餘。言大熟也。農政全書 四月以清和天氣爲正。必作寒數日。謂之麥秀寒。卽月令麥秋至之候。夏至日風色。看交時最要緊。屢驗。月中看魚散子。占水。黃梅時水邊草上看散子高低。以卜水增止。立夏日看日暈。有則主水。諺

云。一番暈。添一番湖塘。是夜雨損麥。諺云。二麥不怕神共鬼。只怕四月八夜雨。大抵立夏後夜雨多便損麥。蓋麥花夜吐。雨多花損。故麥粒浮秕也。

五月

芒種 夏至

禮記月令仲夏之月。日在東井。昏亢中。旦危中。

註仲夏日月會於鶉首。斗建午之辰。

又小暑至。螳螂生。鶡始鳴。反舌無聲。

陳澔曰。此記午月之候。螳螂一名蜥父。一名天馬。鶡博勞也。反舌。百舌鳥。凡物皆稟陰陽之氣而成質。其陰類者宜陰時。陽類者宜陽時。得時則興。失時則廢。

又是月也。農乃登黍。

又日長至。

孔穎達曰。謂此月之時。日長之至極。

又鹿角解。蟬始鳴。半夏生。木堇榮。

鄭氏曰。半夏。藥草。木堇。王蒸也。

周禮春官。女巫。旱暵則舞雩。

疏。此謂五月已後修雩。故有旱暵之事。旱而言暵者。暵謂熱氣也。

管子。以春日。至始。數九十二日。謂之夏至。而麥熟。天子祀於大宗。其盛以麥者。穀之始也。

淮南子。小滿加十五日。斗指丙。則芒種。音比大呂。

三禮義宗。五月芒種爲節者。言時可以種有芒之穀。故

以芒種爲名。

嬾真子錄芒種五月節。種該數類之種。謂之有芒者。麥也。至是當熟矣。周禮稻人澤草所生種之芒種。註云。澤草之所生。其地可種芒種。芒種。稻麥也。過五月節。則稻不可種。所謂芒種五月節者。謂麥至是而始可收。稻過是而不可種也。

齊民要術五月芒種節後。陽氣始虧。陰慝將萌。煖氣始盛。蠱蠹並興。乃弛角弓弩。解其徽絃。張竹木弓弩。弛其絃。以灰藏旃裘毛毳之物。及箭羽。以竿挂雨衣。勿辟藏。霖雨將降。儲米穀薪炭。以備道路陷滯不通。是月也。陰陽爭。血氣散。夏至先後各十五日。薄滋味。勿多食肥醲。

距立秋無食煮餅。及水引餅。夏月食水時。此二餅得水即堅強難消。惟酒引餅即化。可糶大小豆胡麻。糶穰大小麥。收弊絮及布帛。至後糶麩。曝乾置罌中密封。使不生蟲。至冬可養馬。十三是竹醉日。可移竹。

下子。夏松菜。夏蘿蔔

栽種。插稻秧。晚大豆。晚紅花。香菜

收藏。豆醬。烏梅。鹹豆。木綿。菜子。蠶種

豌豆。紅花。白酒。芝麻。槐花。小麥。大蒜

藍青。椹子。蘿蔔子

雜事。斫芋。埋桃杏李梅核在牛糞內。尖向上易出。

浸蠶種。斫桑。芒種後十日入梅。梅日種草。無不

活者。五月五日蒿芎成片。放厨櫃內。辟蟲蛙衣帛等物。收蒿芎葉亦得。

東陽縣志。夏至。凡治田者。不論多少。必具酒肉祭土穀之神。束草立標。插諸田間。就而祭之。爲祭田婆。蓋麥秋既登。稻禾方茂。義兼祈報矣。

占驗

禮記。月令。仲夏行冬令。則雹凍傷穀。道路不通。暴兵來至。行春令。則五穀晚熟。百騰時起。其穀乃飢。行秋令。則草木零落。果實早成。民殃於疫。

月令占候圖。朔日夏至。并二日。三日至六日夏至。五穀熟。二十二日二十四日夏至不熟。二十五日三十日夏

至時價平和。晦日夏至。五穀貴。

便民圖纂五月宜熱。諺云。黃梅寒。井底乾。又夜亦宜熱。諺云。晝暖夜寒。東海也乾。俱主旱。五月暴熱之時。看窠草忽自枯死。主有水。

老農俚語。上半月夏至前。田內曬殺小魚。主水。口開。水立至。易過。口閉。反是。

田家五行朔日值芒種。六畜災。值夏至。冬米大貴。又夏至在月初。主雨水調。諺云。夏至端午前。坐了種田年。

又五月十三連夜雨。來年早種白頭田。

嘉定縣志五月朔旦爲早禾本命日。尤忌雨。

又夏至日起時。時分三節。共十五日。初雨爲迎時。末雨

爲送時。諺云。高田只怕迎時雨。低田只怕送三時。蓋初時雨則旱。末時雨則潦也。若中時而雷。謂之腰報。亦主多雨。諺云。中時腰報沒低田。

農政全書諺云。初一雨落井泉浮。初二雨落井泉枯。初三雨落連太湖。又云。一日值雨。人食百草。又云。一日晴。一年豐。一日雨。一年歉。立梅。芒種日是也。宜晴。陰陽家云。芒後逢壬立梅。至後逢壬梅斷。或云芒種逢壬是立衡。按風土記云。夏至前。芒種後。雨爲黃梅雨。田家初插秧。謂之發黃梅。逢壬爲是。芒後半月內西南風。諺云。梅裏西南。時裏潭潭。但此風連吹兩日。雨立至。畏雷諺云。梅裏雷。低田拆舍回。言低田巨浸。屋無用也。甚

驗。或云聲多及震响反旱。往往經試。才有雷便有雨。遍插秧之患。大抵芒後半月。謂之禁雷天。又云。梅裏一聲雷。時中三日雨。立梅日早雨。謂之迎梅雨。一云主旱。諺云。雨打梅頭。無水飲牛。雨打梅額。河底開壩。一云主水。諺云。迎梅一寸。送梅一尺。雜占云。此日雨。卒未晴。試以二日比較。近年纔是無雨。雖有黃梅亦不多。不可不知也。重五日只宜薄陰。但欲晒得蓬癩。步結切。便好。枯病也。大晴主水。雨主絲綿貴。大風雨。主田內無邊帶。風水多也。至後半月爲三時。頭時三日。中時五日。末時七日。時雨。中時主大水。若末時縱雨亦善。括云。夏至未過。水袋未破。諺云。時裏一日西南風。准過黃梅兩日雨。又云。

時雨西南。老龍奔潭。皆主旱。全不應。晚轉東南必晴。諺云。朝西暮東風。正是旱天公。未時得雷。謂之送時。主久晴。諺云。迎梅雨。送時雷。送去了。便弗回。諺云。黃梅天日幾番顛。冬青花占水旱。諺云。黃梅雨未過。冬青花未破。冬青花已開。黃梅雨不來。夏至端午前。叉手種年田。夏至日雨落。謂淋時雨。主久雨。其年必豐。夏至有雲三伏熱。如吹西南風。急吹急沒。慢吹慢沒。端午日雨。來年大熟。分龍之日。農家於是日早。以米絺盛灰籍之紙。至晚視之。若有雨點迹。則秋不熟。穀價高。人多閉糶。五月二十日大分龍。無雨而有雷。謂之鎖雷門。田家五行曰。至正壬辰春末夏初。水至。既非桃

花亦非黃梅。去而復來。進退不已。余家所種低田數多。正苦於插種。過時田中積水。車浚未有乾期。此日尙且勉強督工。喜晴固好。然八風周旋。正不知吉凶如何。至申時忽東南陣起。見掛帆雨。隨有雷三四聲。方且驚愕。忽見一老農拱手仰天。且連稱慚愧不已。因問其故。答云。今日無雨而有雷。謂之鎖龍門。復拱手相賀喜躍。或問此處無雨。他處却雨如何。老農云。晴雨各以本境所致。爲占候也。幼聞父老言。前宋時平江府崑山縣。作水災。隣縣常熟却稱旱。上司謂接境一般高下之地。豈有水旱如此相背之理。不准申。後其里人直赴於朝。訴諸史丞相。丞相怪問亦然。衆人因泣下而告曰。崑山日日

雨常熟。只聞雷。丞相謂有此理。悉聽所陳。至今吳中相傳以爲古諺。又諺云。夏雨隔田晴。又云。夏雨分牛脊。又云。龍行熟路。正此謂也。其年果熟。晴多雨少。自此日至立秋。止雨兩番。月內虹見。麥貴。有三卯。宜種稻。有應時雨。諺云。二十分龍廿一雨。破車閣在弄堂裏。二十分龍廿一蠶。拔起黃秧便種豆。

六月

小暑

大暑

易說卦坤也者地也。萬物皆致養焉。故曰致役乎坤。

函史土寄王于四時。莫盛于季夏。於易卦爲坤。坤也者。土也。致役。致養也。土乘其旺。竭精華。養萬物也。

禮記月令季夏之月。日在柳。昏火中。旦奎中。

〔註〕季夏日月會於鶉火。斗建未之辰。

〔又〕溫風始至。蟋蟀居壁。鷹乃學習。腐草爲螢。

陳澹曰。此記未月之候。〔疏〕蟋蟀生於土中。至季夏。羽翼未能遠飛。但居其壁。鷹感陰氣。乃學習搏擊之事。腐草得卑濕之氣。故爲螢。

〔又〕是月也。土潤溽暑。大雨時行。燒薙行水。利以殺草。如以熱湯。可以糞田疇。可以美土疆。

中央土。

陳澹曰。土寄旺於四時。各十八日。共七十二日。除此。則木火金水。亦各七十二日矣。土於四時無乎不在。故無定位。無專氣。而寄旺於辰戌丑未之末。未月在

火金之間。又居一歲之中。故特揭中央土一令以成五行之序。

其日戊巳。其帝黃帝。其神后土。

註戊之言茂也。日之行四時之間。從黃道。月爲之佐。至此萬物皆枝葉茂盛。其含秀者。屈抑而起。黃帝。軒轅氏也。后土亦顓頊氏之子。曰犁。兼爲土官。

內經中央生濕。濕生土。土生甘。甘在天爲濕。在地爲土。**註**六月四陽二陰。合蒸以生濕氣。蒸腐萬物成土也。霧露雲雨。濕之用也。安靜稼穡。土之德也。

管子中央曰土。土德實輔四時。

淮南子六月官少內。

金匱要略卷之九
六月植稼成熟。故官少內也。

春秋繁露土者。夏中成熟百種君之官。

吳志華覈傳。是時盛夏興工。覈上疏曰。六月戊巳。土行正旺。既不可犯。加又農月。時不可失。昔魯隱公夏城中邱。春秋書之。垂爲後戒。

齊民要術鋤地。六月以後。雖濕亦無嫌。

註濕鋤則地堅。夏苗陰厚。地不見日。故雖濕亦無害矣。

六月。命女工織縑練。絹及紗。可燒灰染青紺雜色七。此

月斫竹不蛀。

扞插。楊柳。

栽種。小蒜 冬葱 油麻宜上 白莖秋葵 葵菜

淋滄 蘿蔔 菜豆 葫蘿蔔 晚瓜 蔓菁

收藏。米麥醋 三黃醋 豆豉 醬瓜 瓜乾 割

蔴 紫草 綿絲 蘿蔔 楮實 白朮 雨衣

麻皮 麩宜伏中 七寶瓜 酒藥 鯨魚 槐花

二麥 椒

雜事。洗甘蔗 鋤竹園地 染水藍 培灌橙橘

斫柴 做水梅 打炭墜 打糞墜 耕麥地 耘

稻 鋤芋 是月飯不餽法。用生莧菜薄鋪在上。蓋

之過夜。則不致餽壞。

又種瞿麥法。以伏爲時。畝收十石。渾蒸曝乾。春去皮。米

全不碎。炊作飧。甚滑細。磨下。絹篩。作餅亦滑美。

食物本草種小豆。以初伏爲上。中伏次之。後則難爲種子。

占驗

禮記月令。季夏行春令。則穀實鮮落。國多風。欬。民乃遷徙。行秋令。則邱隰水潦。禾稼不熟。乃多女災。行冬令。則風寒不時。鷹隼蚤鷙。四鄙入保。

陶朱公書。伏裏西北風。主冬冰堅。諺云。伏裏西北風。臘裏船弗通。虹見主麥貴。日蝕主旱。有霧亦主旱。諺云。六月裏迷霧。要雨到白露。西南風主蟲損稻。朔日值大暑。人多疾。遇甲歲多飢。風雨主米貴。西北風主七八月。

內水橫流。六月初八西北風驚動海中龍。

通考初六日晴。主收乾稻。雨謂之湛輓耳。主有秋水。諺云六月無蠅。新舊相登米價平。

四時占候六月雷不鳴。蝗蟲生。冬民不安。

望氣經六月三日有霧。則歲大熟。

田家五行月內有西南風。主生蟲。損稻。秋前損根。可再抽苗。秋後損者。不復抽矣。諺云。秋前生蟲。損一莖。發一莖。秋後生蟲。損了一莖。無了一莖。

農政全書六月初頭一劑雨。夜夜風潮到立秋。六月蓋夾被。田裏不生米。六月西風吹遍草。八月無風秕子稻。三伏中天熱。冬必多雨雪。螻螻蟬叫稻生芒。

六月有水謂之賊水。言不當有也。小暑日晴雨亦要看交時最緊。六月初三日畧得雨。主秋旱。收乾稻。蘇秀人云。此日畧得雨。則西山及南海不斫籬竿。初三日雨難槁稻。諺云。六月初三晴。山篠盡枯零。小暑日雨。名黃梅顛倒轉。主水。東南風及成塊白雲起。至半月船趁風。主水退兼旱。無南風。無船趁風。水卒不能退。諺云。船趁風雲起。旱魃精空歡喜。仰面看青天。頭巾落在麻坼裏。東坡詩云。三時已斷黃梅雨。萬里初來船趁風。正此日也。諺云。六月不熱。五穀不結。老農云。三伏中稿稻天氣。又當下壅時。最要晴。晴則熱故也。